

牙胡風代馬親乘障身兼數器驅寰中眼前君與瑯
琊公千秋名成髮漸短七尺氣在心轉空條然訪道
襄城去一日竹杖凌煙虹

贈龍君善

洞庭龍子矜國色秋水芙蓉照天碧涇陽小兒太無
良坐使靈人委芳澤落日浦口來牧羊巾袖慘澹波
臣慻江花野草俱含情霧鬢風鬟啼不得君本高才
美丰神衛家叔寶傾都人不作昂藏虎觀客却令握
齒馬蹄塵去年相見清谿曲水盡天空飛屬玉青翰

舟中采射干白鷗沙上醉醺醪今年復遇燕市旁壚
頭月出天蒼茫英雄結交在意氣腰間靖看雙魚腸
秋夜同郭舜舉蔡伯華王季孺金玄朗詹政叔

燕萬伯修宅聽李金吾彈琵琶

城烏啞啞起暮色秋煙捲盡寒河白銀鞍寶馬大道
平夜醉雲中豪士宅雲中豪士生窮邊空城罷馬無
人煙疾風長逐狐兔走大雪獨擁弓刀眠結髮戲入
焉支陣撻金伐鼓彈鷓絃中年釋褐在禁闥雄心不
除氣逾烈頭上千秋壯士冠胸中一斗英雄血家僮

盡解隴上歌有時自按伊州闕雁雞膾鯉羅碑礫客
來總是荆高徒醉試騰裝插羽箭狂呼擊劔連長安
踈星乍低紫匱匝華燭斜映紅墮毬須臾金吾理新
曲調絃移柱風簌簌滿堂賓客不敢喧野曠天高絕
沙漠一再落指何泠泠輕霞細月入宵冥瑤臺神女
凌空度桂旗芝蓋從羣靈碧雲無聲杳然去松頂天
風墮鶴翎忽然急節響鏗鏘萬馬千兵行颯沓笳悲
鼓咽虜氣陰日落沙昏陣門合瞥地蕭間神氣夷淙
淙澗水流迴谿青樓小婦作情語欲吐不吐整金篋
無端更寫千秋恨却似明妃初嫁啼人生何物稱快
意昂藏不減丈夫氣除却雲臺立大功便從石室書
名字不然花前有玉釭爛醉彈絃倚豪士安能局促
五侯門低首攢眉向天地

排空歌贈余宗漢山人

君不見天漢西轉黃河東流四時寒暑遞相送五星
日月奔不休响嘯崆峒精光磨滅亦已久玄夷白澤
靈怪茫昧而難求又不見北邙之陽西陵之陰喪車
朝出歌鐘夕沉香澤去體螻蟻來侵牛年不識王侯

覺斜煙踈雨鬼嘯林丈夫眼中一斗淚此時不聽雍
門琴余夫子少年負斲弛雙目營千秋一官困百里
感此何茫然寒灰寸心灰車耳虎子安用爲一朝挂
冠稱處士放浪湖海茫無涯浮生到處乘枯槎口吞
采石磯頭月足踏蓬萊峰頂霞彩毫南國書題遍爛
醉長干卧酒家去年大叫黃山上聲咤天風萬松響
不衫不履驚市人識者云是全椒長今年悲歌燕市
來淖沱易水濺濺哀四顧無人野煙白仰天慟哭昭
王臺華屋朱門不一盼五侯七貴如浮埃散髮走入
西山裏目掃黃葉眠蒼苔吁嗟乎人生迫迓苦網羅
跳身物外堪婆娑以君昂藏凌雲氣聽余磊落排空
歌相期天門躡飛電下視海水揚白波下視海水揚
白波雖有紅塵奈爾何

題李龍眠畫十八學士圖

太原將種自真主龍顏秀異氣食虎英雄莽蕩扶日
月嶽瀆精靈走風雨當時磊塊十八人一收來天
冊府紅雲紫氣浮咸陽繡柱珠簾開玉堂秦王不時
賜清燕諸公暇日多徜徉堂上伶人進鼓樂堂下稚

子羅酒漿彈碁六博神仙戲筮篋阮咸海濤沸狂呼
轟飲郇公厨異品甘香大官味須臾內侍出瑀盤雪
藕紅梨雜丹荔諸公睥睨空河山一翁醅醕零天地
更有散步涼風前息影幽棲大樹邊似是有官心不
染山林之韻何蕭然高梧垂楊冷陰合門外馬蹄何
雜沓草色青青大道平荷香冉冉清池匝當場授簡
各自誇袖中爭握白榆花兒童廝養饒樂事偷彈座
上雙琵琶一片壺冰世希有名字南箕與北斗文章
不乏揆天才廊廟還輸經國手入排金闥獻密謀退

坐玉堂飲名酒丈夫時來則如此天際浮雲爾何有
華屋高蓋人所賢蓬累終身亦不醜龍眠居士龍爲
徒落筆矯矯煙模糊點染不數閣立本我披肅肅神
氣俱旁人盡道神仙客爲仙不足官有餘嗚呼我欲
喚起老居士爲我再寫一幅四皓商山圖

石雪山人歌寄贈汪長文

石雪山人太高潔碧山無雲石如雪撐崖鑿室青天
陰路挿天門開陟絕朝曦暮靄非一狀盡取千峰作
屏障海月倒挂大雷西石磴斜盤四明上衣裳夜染

空翠濕曉日登樓亂煙入門前飛霞真可餐竈下流
泉不用汲山花斑斑映綠萸蘿曲曲抱青谿經年
人跡往來斷惟有荒猿春夏啼山人屢月不出山自
言學得五龍眠白晢鬚眉朗可數隱囊紗帽何飄然
有時閑踏雪峰去人道逍遙鶴上仙更尋丹檢玉笥
語深入靈巖捫洞府風吹空穴窺玄熊月黑長林過
蒼虎買田谷口耕胡麻當門繞舍種桃花散髮追涼
坐河漢采芝歌罷驚煙霞高人體氣清絕有如此使
我低頭浩歎悲年華

寄贈楊伯翼

四明山中多異人楊家伯翼稱絕倫口吐清池玉齒
齧身是上界金麒麟少時相見卽相好雙龍颯颯如
有神青天共蕩木蘭槳碧波不動桃花津自從束帶
趨簿領一別江沙白鷗冷偶讀南華浩蕩言頗傷石
火須臾影豈有河陽潘令花浪說丹砂葛洪井楊生
笑我塵沙裏那得便領煙霞境饒他五陵八百人且
占太湖三萬頃楊生楊生磊落姿相思不異璫樹枝
久向名山藏姓字每于朗月見風期但使有心修白

業豈愁無地種青芝

青霞山人歌爲王受吾

青霞山人清若冰山空霞起朝爽澄文蒸翩翩秀五色多才往往人嗟稱博物好古總竒絕四十意氣何凌兢夜捫吳劒山雲黑曉讀秦碑海日升毫端妙手如王獻畫裏新詩壓右丞長安不聞天子呼酖醕只醉黃公壚前年北邊飲酥酪去年南海探珊瑚千峰半踏馬蹄裂百壺欲吸海水枯歸來不住青山宅翻然復作五湖客江月湖煙亂入船落日無人晚天碧

與余相見宿所諧入門放杖脫芒鞋不取雕龍佐名理止留繡佛伴清齋吾今心已在煙霞五嶽三山總
是家萬事君應付寥廓一官吾自悲年華門前綠竹堪銷暑池上紅蓮欲吐花

于燕芳年二十以布衣上書自稱華亭民余讀未竟色動亟命召入相見信有正平之才索予以長牋荅之不許復索長歌又不許無何折節閉門讀書不與外事者三年余聞而作此贈之

于生二十才嶙峋芒鞋布帽行風塵手握靈蛇動光
恠上書自稱華亭民有才不減禰處士登堂長揖驚
眾賓禮貌陳野氣豪逸令君大喜門吏嗔漁陽摻搨
真絕調捉刀那有牀頭人于生于生太骯髒讀君之
文高破浪瘦馬稜稜在骨竒世人齷齪多皮相聞君
折節方下帷竹房山路回風吹請看黃石橋邊叟莫
問淮陰市上兒

留別元美先生

王夫子棄官學道如長史秀骨朱顏編貝齒姓名久

注上清籍人間鬣溷風塵耳少年綵筆亦太橫急峻
驚雷一何駛出語穿天心蟠窟絕地紀平生那得有
不知磔裂元氣鴻蒙死力掃千古把一麾不是仙才
寧有此一領瑤札從雲華眼前萬事如空花楚楚星
冠與雲履飲以天酒飯胡麻夜來笙簧滿空碧羣真
携汝宴茅家茅家三君各治一峰上汝亦有弟耽煙
霞羨君鶴駕終排霧笑我馬蹄空踏沙踏沙去去雪
霜重落日荒荒大雲凍朝向紅塵行暮作青山夢人
生性命不自了鐘鼎浮名亦何用赤松雲房知我心

定須訪爾華陽洞

南滁大雪歌

昨日何日故人一尊虎丘月今日何日馬頭十丈南
滁雪昨日何日金陵管絃喧酒家今日何日關山石
裂穿寒沙從來雨雪多江北回首江南淚沾臆所以
古人惜河梁昨日之尊那可得西風太有權濁酒都
無力冷如鬼手捉馬鞭狐裘蒙茸亦何益寒山日落
牛羊眠往往茅屋見人煙茅屋人家絕可憐黃茅颭
出青松巔自住山上屋還耕山下田童子撈魚谿水

邊女兒賣酒工數錢三家五家自來往年深不問城
市遷門前雪花大如手萬片瓊瑤寫枯柳火煨楮枮
啖蹲鴟藜羹麥飯地黃酒生遊歿葬寒山下一生不
向長安走而我胡爲冰雪中馬蹄踏破行千峰繁華
富貴轉眼空山中之人笑殺儂

贈王季孺孝廉

王君蕭疎才本僂手驅不律空蒼煙峨眉寒積千年
雪太華香生十丈蓮去年采真向閩粵大王峰頭卧
明月珠光曉燭龍子宮水氣夜含神女襪醉呼九仙

下瑤京青天無人墮紫笙洞口雲封丹竈冷竹間花
與石牀平歸來秀句滿縑素衣裳猶然帶雲霧似煉
金骨乘雲行不飾蛾眉取人妬花驚葉動空山長鳥
去猿來只醉鄉子微天上占仙籍許磻人間作酒狂
萬事蒼茫何所戀馬蹄盈盈踐霜霰曼倩應爲漢帝
來紫泥白日鞭雷電侏儒公卿無等倫窶數守宮何
足辨親隨龍輦上秋河笑弄鶯花踏春殿待詔金門
十八年相期終在寥陽見

長歌行贈萬丘澤武選

長安日暮焚蘭膏壚頭相逢鴈門豪鴈門豪客文武
具意氣直欲凌秋濤談天炙轂富才藻自言耻作揚
馬曹十石甃弧插大箭五花龍紋拔寶刀朝逐胡雛
行背藉夜迎俠客傾蒲萄邊聲蕭蕭朔雲滿雪落關
門繡旗捲看君有才復有情好聽悲絲與急管白猿
黃石何縱橫紅燭青娥復宛轉軍中倚馬不足陳牀
頭捉刀差快人偶然得之眉睫下一笑便將肝膽親
嗟余空騎紫騮馬平生不踏長城下身如芸香老蠹
魚咿嘷刺促胡爲者自顧何物堪壓卿執鞭相向人

所驚男兒須眉蔡澤是英雄膂力要離輕激昂風雲
赴然諾惟餘一片古人情

彭城歌贈姜使君仲文

使君握節何瀟灑七尺芙蓉五花馬青年早貴知不
希白雪高歌和者寡一片雄心楚水西千秋俠氣彭
城下彭城山川楚故都楚王叱咤空萬夫酒酣拔劍
斫海水六合股慄來相趨事雖不立良已矣意氣自
足傾吾徒彭城北走連沛上萬里寒雲起芒碭當時
漢帝湯沐宮擊筇歌風氣何壯大殿今爲灰高臺自

無恙吁嗟使君來此城豐沛父老稱神明文章吏治
兩多暇登高弔古曠未平山川不逐英雄去日月尚
掛英雄名去年經過此霜月濁河湯湯野風烈使君
置酒戲馬臺楚歌楚舞儼相列眼前霸氣銷白煙抵
掌雄豪向余說西園飛蓋夜蒼茫北斗孤城天陡絕
使君白晷婉清揚余也眇小文弱無所長兩人相得
不解事激昂往往橫大荒綵毫汝奪天孫手七首余
懷烈士腸綵毫物所妬七首余將藏待君了却千秋
意然後相尋五嶽旁君不見張子房

沛縣登歌風臺弔漢高祖

彭城沛邑漢帝宮山川峭拔風土雄三月驅車猶烈
風高天捲沙白日蒙牛羊散野城郭空我來不見隆
準公但見平原草綠寒花紅隆準公英英雄哉亭長去
帝王來去時蕭蕭提一劍來時千騎萬乘驅雲雷椎
牛置酒燕湯沐黃屋左纛虹霓開前殿歌風氣逾猛
後宮擊筑聲復哀百官歡呼父老醉酒酣日落登高
臺當時王氣收豪傑霍然起他人裂土握重兵公也
蒼皇奔迫不得止須臾劍光奮義旗指函谷一破子

嬰歿鴻門不能驚巴蜀不能喜黃石爲之用白帝當
之靡韓彭如狙項如豕往來大業五載耳世上英雄
有如此吁嗟乎咸陽宮殿空蒼煙彭城故都無墓田
神州赤縣掌上懸公也歸來奏管絃管絃歡娛歡不
足急雨飄風一何速沛上山河已非漢邑中父老死
相續故宮曾無片瓦覆藤蘿倒挂野人屋歌風之碑
煙霜磨滅不可讀遙望芒碭鬱乎高丘青天不動黃
河流大雲垂垂幕其上龍蛇虎豹紛蚩尤千秋萬歲
後竟氣當來遊

任城登太白酒樓

任城東邊濟水頭垂楊南陌鳴鴉鳩王孫三五騎紫
騮嬌女二八彈箜篌竹葉到手那復留桃花向人勸
未休高城富貴多王侯駙馬都尉大長秋羅衣朝暎
珊瑚鈎寶扇夜上木蘭舟繁華零落隨蒿丘姓名滅
沒不可求白也一爲脫綺裘任城至今存酒樓當曾
磊塊六合收綵毫淋漓元氣浮憑欄雙目送汀洲滄
溟浩蕩齊州一點如輕鷗手持北斗大酌銀河流織
女渴死黃姑愁樓中之人去不返樓外斜陽又將晚

青天碧海無人管繡箔珠簾爲誰捲江頭墓花野風
浣估客登樓月光滿依舊金尊催玉板使我對之心
欲斷人生何疾箭何緩奈何不飲仰天蹋地成悽惋
吾聞紀叟善釀埋土灰千秋零露生荒苔日月不照
松花開人間已銷金雀釵地下仍餘鸚鵡杯鬼燈四
滅白揚颯颯神火來公與何人沽夜臺公乎公乎喚
不回酒樓愁絕空崔嵬

劉御史歌

丞相怒烈士戍驄馬來烈士災陰風蕭蕭神靈哭不

止黃沙荒荒烈士死吁嗟乎劉御史遼陽天黑白日
沒下有狻猊上有鵲磨牙鑿齒據其窟山鬼不敢弔
河伯不敢出妻子那及收骸骨嗚呼噫嘻何人殺孔
融何人殺臧洪男兒出身報天子俛首屈死蓬蒿
中雲旗獵獵紅滿空天兵下來衝煙虹將軍十道開
寶弓誰當迎御史上帝特遣關龍逢關龍逢握公手
釀天河挹北斗拂公塵埃飲公酒人間嶮巇天上否
遊戲白玉堂逍遙黃金牖椒山青霞亦公友自公去
矣廓氛霾天清地朗日月開墓前銅雀化爲灰塞外
金雞謫戍回公不在矣使我心哀我哀何爲公不答
仰視高空寒颯颯白雲蒼茫九關合乾坤轂轉人事
遷天子下詔褒忠賢鬼蜮射人虹霓障天殲我烈
士古路邊榮以大官寵大篇子孫仍賜綿上田蕙殺
桂醴焚紙錢年年寒食墓門煙

去婦歸爲趙汝師太史作

頽陽有回照寒花發故枝明鏡破復合勝于未破時
妾顏如芙蓉妾心如兔絲自從結髮事君子白日黃
河兩相矢芙蓉窈窕爲君憐兔絲纏綿爲君死鴛鴦

交棲蓮並頭翡翠雙飛木連理雞鳴起視夜明星尚
在天挑燈事膏沐對鏡理釵鈿班氏長辭輦樊姬不
食鮮爲君織綃雙燕下爲君拂枕百花前只道恩深
無以喻詎料蛾眉有人妬傾城色進漢帝踈掩袖讒
王楚王惡黃金賦冷坐閑門統扇歌哀委中路含情
含恨下堦行收淚收聲出宮去雕楹朱戶生青苔襍
珮寶釵捐土灰金箱宛轉疊文錦銀鑰歲華不忍開
敢望凌波踏春殿自分鉛華掩夜臺頃刻桑田變滄
海注移運轉讒人敗日月下照妾心明雨露不改君

恩在迎妾香車映紫駟賜妾玉環飄繡帶登君之車
入君堂使妾感泣涕成行重歌桃花五明扇重上珊
瑚七寶牀即使紅顏化枯骨賜環之恩那可沒

彭城姜使君邀登蘇子瞻放鶴亭作

彭城刺史龍爲友文章斫地擘天手手提招搖弄北
斗大叫滄溟萬山吼所至蹤跡落人間嶽瀆風雨輓
輓隨公走鴻濛元氣日告罷羲和六龍在公後竭來
高卧黃茅岡賦詩載酒傾秋缸綵毫十丈五丁鉅霸
不敢扛斷岡裂石鑿亭子勁風蕭蕭開八牕長河煙

銷落日紫鐵笛乍起魚龍撞呼來碧海月千頃目送
青天鶴一雙自公神遊去八極雲旗芝蓋無消息亭
今兀兀吞寒煙鶴亦茫茫墮宮碧霜花不蝕蒼崖碑
知是山靈護真蹟時移代謝浩劫灰我與使君今復
來一日蘇耽棄我去千秋華表令人哀有酒空澆亭
下土春風又綠巖前苔山崔嵬水滌洄弔古興衰徒
爾爲一曲斜陽送一杯與君爛醉白雪堆

白榆集卷之二終

白榆集卷之三

東海屠隆緯真著

七言古詩二

公子行贈宋西寧忠甫

邯鄲雕牕結文綺上客從容躡珠履何物盤跚複道
行當樓一笑美人歿大梁錦席登華軒公子自起迎
夷門路傍劔客願刎頸宮中娥眉解報恩易水壯士
偶一言金盤擎出玉臂寒仰天氣觸白虹走徐姬七
首血不乾淮南好文復好道八公風霜挾鴻寶雲中

雞犬去不回藥竈空存桂花老西園飛蓋引應劉高
臺置酒彈箜篌彩毫煌煌照千古鄴都零落漳河流
邇來一一推王孫圖書滿架生灰塵歌姬變童閉門
坐布衣投刺典謁嗔梁肉但飽廝養卒結交那有賢
豪人華轂朱輪紫驕馬出入輝光驚四鄰眼中西寧
差快意玉帶貂蟬誇早貴二十秀雅如諸生翩翩大
有凌雲氣稱詩作賦耽典墳好客留賓開邸第田蚡
安肯容灌夫孟德猶能殺鼓吏狂生罵座君不知醉
看孤燭光淋漓長者寧辭親結襪貴人却乃羞低眉
大梁諸公死去久寥寥千載見風期

薊門行贈顧益卿使君

薊門日落大旗赭疾風捲蓬雪鋪野健兒夜走淖沱
冰寶刀血照蒲梢馬烏支慘澹牛羊稀胡人聚哭陰
山下使君行邊今李牧威名昔年著南國十萬樓船
清海恠長戟短兵風雨速一朝提劍驚西來父老關
前拜羽纛牧馬匈奴畏近邊風煙不動壯士眠一自
龍堆卸金甲便從虎帳開瓊筵空霜地白暮天霽城
寒戍壘月痕細騰裝插羽下南樓急管哀弦復西第

粉面妖童歌十行鐵騎貔貅舞千隊揮毫自草箠篋
篇紅燭淋漓客皆醉白日難銷俠烈心黃雲不壓英
雄氣五陵三輔奔車輪幕下盡是賢豪人湯生茹生
自我輩宜城一石空千春若爲望去思瓊樹恨不同
來吐錦裯吁嗟乎薊丘崩頽樂毅歿穀城荒涼黃石
逝廣武一歎秋雲駛紛紛成名徒豎子眼中英雄使
君耳丈夫出處何足言爲龍爲蛇亦偶然君今畱卧
邊頭月余也歸耕海上田曾授靈書二十四昌蒲紫
花封洞天他年好待驂鸞鶴接汝嵩陽玉女巔

青谿道士吟畱別京邑諸游好

青谿道士餐白石掃地焚香坐空碧月暎蒹葭秋水
寬雪覆楸欄暮雲坼山深路僻無人煙沙冷天空留
虎跡可惜一朝不自堅來作清朝蘭省客烈日騎馬
掘塚中搔首乾坤嗟迫迮下筆連蜷蜺氣吐口天
矯丹霞色雄心不除俠骨存十年學道亦何益何物
美器橫相加藉藉聲滿長安陌長安大道連平沙王
侯戚里紛豪華銀臺畫閣三千尺繡箔珠樓十萬家
省郎卜居窮巷裏車馬趨之若流水爭設瓊筵借彩

毫朝入西園暮東邸
攜辭盡道李王孫
執轡皆稱魏公子
主人轟飲醉向天
淋漓紅燭落花前
銀漢半斜沉夜柝
繁霜歌罷彈哀絃
有客醒然不御酒
獨擁香爐對暝煙
吁嗟乎美服人所指
器盈神理歿爲歡
尚未畢含沙已在旁
匹夫睚眦修七箸
惡聲狺狺安可量
子蘭讒屈平登徒毀宋玉
謂奏相如琴未滅淳于
燭補生鼓吏悲未能
幼輿丘壑無不足
青天何高高白日去
莽莽出門眼看北
印山令人萬事拋
漉漉玉柙珠襦寒
雨中金壘寶瑟高
堂上不聞黃鵠遊
洿池

豈有神龍挂魚網
我欲掩口笑古人
古人英雄亦不
遠子房赤松待興
漢范蠡五湖須霸
越卽如濛莊與灌
園安用雲臺懸日
月馬蹄雞肋空有
無欲休卽休何所
圖亦不用百官祖
道集征虜亦不用
君王詔書賜鑑湖
一騎蕭然下風雪
空壕斜日啼城鳥
耻爲執虎子寧待
車生耳嬾視張儀
舌不問待詔齒是
非野鶴騫孤霞恩
怨金鳩擘海水脫
我今日之紅塵還
我舊時之白雲王
績罷官同坐酒介
推身隱詎須文風
雷不能爲之驅陰
陽不能爲之鑄胡
鷹翻然掣金鎖

碧落茫茫墮秋霧銅馬當年悔陸沉自憐黑髮早抽
簪當門楊柳黏天碧繞屋松杉滿地陰故人他日如
相訪萬樹桃花何處尋

桃花嶺歌爲楊太宰賦

東華妙炁結溟滓扶桑直接蓬萊頂上有縹緲金銀
宮寒覆丹霞幾千頃海岱英靈產異人排空卜築桃
花嶺回峰盤盤磴道斜天窓石扇開豁訝煙光不斷
界飛瀑日色倒射含空沙黃粟留鳴紫磨出度索仙
桃萬樹花仙翁吹笙桃樹底流水長天散如綺茅屋

惟聞雞犬聲疑在清都白雲裏世緣未了三事催一
朝強爲蒼生起暫別羣直領百官斟酌元氣吹斗垣
海內黔黎總按堵天下豪傑皆彈冠長安見童識司
馬澤國風雷避灌壇冰壺玉衡秋月朗致君直在黃
虞山然後歸耕東海雲繡嶺桃花尚無恙君不見子
房人中龍布衣取萬戶翻然訪赤松又不見鄴侯何
突兀朝披一品衣夜抱九僊骨我翁寬仁博大意豁
如混茫滄海涵太虛清德古來掩胡質長者寧獨稱
魏舒長髯玉貌天人表姓名定列丹臺書

送顏質卿舍人同詹政叔登泰山

大地奔騰元氣積岱宗崔嵬帝座逼千盤萬轉走紆
迴天門倒挂銀河側碧殿鐘聲落暗波扶桑夜半海
霞赤野草寒雲御路平七十二君留馬跡漢碣秦碑
盡莽蒼金函玉牒無消息上界笙簫嶽帝聞桃花雞
犬住元君煙霞昏曉山川合雷雨陰晴天地分舍人
道丕羲皇上詹生伎骨何骯髒兩君結束名山遊大
叫天風驚海浪靈書神物經千秋七首虹光高十丈
五松涼冷暮濤哀龍鱗剝落空蒼苔鉅野瀟條散青
靄使人對此雄心灰我昔自署冥寥子奈何風塵困
燕市緘題曾寄摩崖石波臣動色山靈喜卽今胡鷹
掣鎖來布襪芒鞋行萬里早晚携筑到上頭向平五
嶽從茲始

贈謝仲毓山人

雙鳧翩翩行終濱後車之載多俊民自謂已傾江左
彥那得復有謝山人山人魴魚獨在後諸君豈是陽
鱗倫扁舟斗笠水滸滸煙濤茫茫不可索卽今相逢
逆旅間濁酒荒城意寥廓伊余逸氣凌紫霓偶落黃

塵驅馬蹄身是石室金臺物名與青蓮賀監齊含香
娑娑在間局安能低眉老刺促燭短更長雁柱聲天
寒日落烏栖曲一朝挂冠歸水雲采石茫茫鑑湖綠
山人鬚眉何軒軒新詩秀絕清心曠入門把臂嗟何
晚北斗歷亂明星繁畏途吾喜抽身蚤青山歎抱煙
霞老汝本布衣在丘壑胡爲齷齪長安道歸來好及
春風前共躡金庭拾瑤草

贈別鍾公旦文學

潞河層冰野風烈日落空城暮飛雪寒燈濁酒四壁
孤餓鳥嘍嘍雁淒切何者美人被褐來入門月朗青
天開長嘯懷中出片刺自言家主越王臺少年干時
不得意黃塵一道漁陽騎燕昭墓下十載栖督亢亭
前幾回醉逆旅相逢意氣真披肝各許賢豪人君舞
魚腸猶芥蒼我辭雞肋已沉淪看君雄才骨法好談
笑風雲致身早鳳吹低臨御路長龍旗高捲華清曉
四明狂客高陽徒長安十九卧酒壚一朝含沙起尊
俎詔許黃冠歸鑑湖一足揚帆五兩速春風吹空海
草綠故人他年倘見尋白浪湖舫映修竹

題王諫議家畫五大山水歌

砥柱

真宰簸弄元氣奔天漢倒瀉崑崙翻洪流蕩滄磯六合鬼母夜哭神姦昏日月五星驚鄂跳不止妖蛟老龍拏雲攫雨而騰騫自從玄夷蒼水授金簡龍門一鑿開河源况復鉅靈擘大嶽石勢中斷高掌存建瓴激矢走溟渤欲冒滌淼看無垠雍州百二壘空耳目光眩瞶推心竟乃有一山突兀陟絕立水中似從天門閃爍乘陰陽霹靂而歛化砮崖削壁劊剛風波濤

四面撼其下有時黑雲黃霧罩六幕萬本號嘍颯杳冥鴉鵲夜半數驚起神靈羽蓋不敢停忽然廖廓四開朗孤峯露出搖晴沙頂吞皓月根盤丹霞鮫室嵌瀕洞石扇浮谿硤瑤姬龍女杳然去水碧天青空岸花吁嗟乎上帝豈好怪操蛇之神弄狡獪千秋安問礪與帶中原變幻尚如此何况蓬萊五山瀛海外王君畫此生綃中時時風雨響泮泮王君王王君無乃自寫其胸中之磊塊

洞庭

洞庭空濶浩彌彌元氣混茫不見底波濤怒挾天漢
流吞吐荆南六千里春風拍浪開桃花萬片帆檣疾
于矢但聞鳥啼猿嘯兩岸空霎時天地如鴻蒙其上
有巴陵黃鶴控巫峽樓臺掩扶摧天風仙人下來瑤
席冷綃衣玉佩朝霞紅竹杖青蛇望空舉綵雲西沒
橫躡竦其下有水府深黑不可見乍有乍無光閃電
洞庭龍君珊瑚牀軒軒高坐凌虛殿武夫虬鬚氣若
雲嬌女風鬟淚如綫何人乘船吹鐵笛急節崩騰響
裂石轉入湘娥寶瑟聲月滿蘼蕪水痕碧令人對此
雄心降好着青天一釣艫我欲領取赤雲十萬頃
鵲屬玉飛滿牕

金山

大江滔滔流日夕控壓乾坤盡南北潮湧千帆瓜步
青雲連萬樹揚州白何來小山一點浮虛空吞江截
浪開琳宮細路半壁生海月高牕四面來天風塵氛
杳然夏無暑靈境不與人世通岸圻沙崩大石走深
潭龍起鼉鼉吼洪波欲捲孤峰去黑霧黯灑亦何有
須臾天朗青黛出歷歷松杉抱寒溜老僧禪房都不

扁藤花倒垂煙巒冥挂衲猶畏鶴巢冷洗鉢似嫌漁
浦腥日暮踈鐘度空水談經說法龍女聽吁嗟乎長
安紅塵高十丈吾已拂衣游澹蕩埋憂地下寄愁天
上好携雞犬住此山興到乘船踏高浪

錢塘

羅刹江深萬波集兩峰橫束海門急八月銀山雪屋
來陽侯辟易天吳泣高城欲捲大地浮餘沫直濺青
冥濕鷗夷白馬夜濤中鰲身倒翻列炬紅却如疾雷
砰轟破山嶽五丁六甲雲旗獵獵火滿空又如水犀

強弩大戰乎江上萬面疊鼓擊耳逢逢吳兒弄潮凌不
測出沒來往若梭織豈是神人鞭石足踏鼉鼉梁天地
浮生輕一擲萬家井竈帶西陵白骨寒沙勾踐營昔日
雄圖悵何在隔江斜月斷霞橫無恙布帆白如雪行
人送盡暮潮聲淘洗千古英雄氣濁酒漁歌一葦輕

灩澦

巴江挂天大雷吼石轉沙迴急峽走白虹萬道斷復
續偃樹垂蘿厓壁陡天寒水落象馬堆怒濤噴薄松
聲哀兩岸羣山不留睫孤帆擘空如箭來煙棧冥冥

沒鳥羽龍氣吹波晝多雨朗夜高江涼月奔峽女嬌
花碧霞舉輕舟浩蕩凌大荒榜人擊汰復鳴榔日冷
青楓天際坐垂薄蕭蕭猿叫霜估客迴沿浦口宿水
痕斜對廟門一短衫窄袖隔蓬窻莫唱青谿小姑曲
蜀道巴江險口天下無安能千金抵一壺西冷若耶
如鏡鋪畫橋游舫連城隅歸來兮清尊嫋嫋開紅蕖

潞河贈別蔡參軍孺觀

君不見五斗學士號醉鄉日給美醞供徜徉白眼睥
睨輕侯王翻然挂冠坐酒過東臯歸去弄斜陽又不

見青蓮逸氣橫高秋花牋彩毫金殿頭十一直華清
十九卧酒樓內侍宮中成貝錦片帆一日凌滄洲我
亦爲郎性落拓早罷含香問丘壑關河凍合阻行舟
積雪寒雲下城郭感君此地結綢繆手挈玉壺慰離
索故園啼鳩嬌春風歸家正及櫻桃紅布襪沙晴見
麋鹿蘭橈水暖衝鴛鴻回首故人在遠道迢遞相思
寄芳草藥裹關心萬事慵斲苓剗木蒼山老

顧朗生江左名流與余彼此相慕悅有年未嘗
結託余在燕京座客常滿時朗生亦客京師絕

不相見比余被讒挂冠東去發舟潞河朗生提
壺策蹇遠送河干且手出五詩贈別余感其高
義賦長歌以贈之

余昔譚秣華陽館繡虎雕龍履綦滿出聯寶騎青絲
長坐滅星河紅燭短布帽金貂總在門各吐肝腸鮑
與管一朝投効謝朝雞尊空客散煙霜凄寒生襍被
荒城暮獨宿孤帆野水西感君相送意何厚走馬提
壺來浦口已欽高義凌雲霄更出新詩若瓊玖微雨
纔清廣百里春風漸入河橋柳躊躇宛轉情無端令

人感歎平生歡世人並只趨蘭省君獨何爲問簪冠
聞君家近延陵廟余亦將買梁谿權男兒傾蓋在片
言何況彈琴本同調桃花雞犬作比隣朗月青天共
長嘯

留別萬伯修

長卿爲郎如曼倩闥鞞虛聲走寓縣玩世混俗了不
營香爐絲筆金華殿四海望氣青雲高一夫含沙白
日變交游扼腕稱不平酌酒相勞涕泗橫神理忌盈
滿時俗妬大名乃有提章抗䟽叫閭闔出門拔劍衝

冠纓壯哉公等自雄快無乃俱非曠士情自從海客
離三島洞門閒封白雲老牕中玉女怨桃花石上金
函冷瑤草似是山靈解喚人仙源猶自不迷津鶴背
竦身排紫霧馬頭揮手別紅塵風高三月黃河立大
帆細雨吹空濕落日煙消沙渚平迴塘水滿鷗鳥集
東南回首謝故人何處青天問斗筮

寄壽方翁

有引

方翁者余友衆甫之尊人也翁年六十萬曆十二
年正月十五乃其生朝衆甫時新拜冀州牧歸而

稱觴

江南正月陽和回青天碧海無纖埃盈盈三五望舒
滿九衢絲管紛如雷何者一翁披鶴氅芙蓉之冠高
崔嵬仙人戲踏綵雲下游女逞凌香霧來水綠燈光
映天酒雪消花氣吹瑤臺郎君拜官自丹陛五馬專
城詫新貴花前玉板按低箏門外朱輪羅小隊舞罷
踉進丸霞觴親顏夜染絳桃醉好風徐度白雲誼翁
赫浮空千萬騎雲林書通許穆家萼綠親幸羊權第
滿堂賓客不敢喧聽君密授長生言

九疑篇贈周淑南

古來南國多英靈山川奔峭不得停波搖神女雙環
碧天入黃陵九朶青娉婷一去蒼梧冷月明時見衣
裳影啼妝有淚水竹斑寶瑟無聲暮花暝九疑秀色
何隴從文章往往含芙蓉屈宋而下代不乏朗如皦
日照春松周郎二十工詞賦落筆盈盈花上露吟成
白雪三楚香奪得紅霞二妃妬曾向荆王臺上游荆
王臺下江水流汀蘭岸芷應相識峽雨巫雲不可求
看君眉宇嬌淥水洞庭雲夢六千里峰巒曲曲盡可

疑朝光青青暮光紫文章變幻亦如此錢起湘靈從
此始

長安元夕聽武生吳歌

出不願金絡青絲踏垂柳入不願繡箔雕楹對虛牖
人生不聽武生歌百歲流年空飲酒武生眉撫橫春
雲石家櫻桃何足論千人楚調誰堪和一曲吳歛總
斷竟初疑絳河響流月再聽冷風舞迴雪欲換故遲
聲轉媚繁音已盡意不歇秦家公主吹欲低洞庭女
兒悲乍咽鴛鴦淥水浸明霞蜻蜓暮飛紅蓼花有時

娟娟入庭葉有時裊裊留空沙洛陽誤識金吾子片
言不合翻然起誰家王孫喚得來對酒當歌月華紫
生情生態世所無却令英雄寸心死武生莫惜宛轉
歌爲君大醉金叵羅朱顏皓齒今不樂白日黃河當
奈何

走筆答董伯念膳部

長安小兒聲啞啞當街大笑蘭省客清眉瘦面回肩若
山天寒衝泥委巷窄風高雪花大於手邊城蕭蕭亂
雲黑油幕在首捉馬鞭仰視遙空凍欲坼人言畫省

爲仙郎寒林蕭竦風葉苦署中盡日煨楮布衾如
水澆藤牀鼠啣殘冰雀啞屋樹老鶴暮影與人長董生
有才朗寒玉相共淒清羌不俗一官雖冷興自佳不
廢焚香與燒燭長安馬蹄未爲貴安得與君在驢背
踏入梅花月輪碎

送鄒爾瞻給諫以言事左遷南比部

昔年批鱗氣昂藏間關萬里投南荒冰霜裹血身不
死星虹抹劔貧無裝陰霾蔽天天慘澹鶴鷗晝出豺
虎張時人爭欲借名字親朋那敢送河梁含沙吹水

瘴雲黑山鬼嘯月蠻煙黃須臾陵谷變墟井電滅花
飛雙泡影已拚白骨葬炎州誰道青春登華省香名
滿世服美官祥麈威鳳人所歎婆婆姿可以致大位離
憂無復挂眉端烈士由來心歎苦寧能優游坐公府
夜半朝衣檢皂囊數進危言犯明主幾口僊郎玉
陞行一朝逐客金陵去金陵山川清且嘉六朝如夢
空煙花閉門掃石看雲起野寺焚香到日斜

送范國士侍御以言事免官歸高安

上帝高居鬱蕭殿天官女史列香案桂樹夾路守蛟

飈車橫空繞雷電丹霞翠霧護玉清羣靈罕得見
其何何物小臣亦驚哉挾書大叫天門開片言稜稜
搖岳瀆帝怒落職金銀臺君家舊住香爐頂瀑布
銀河挂秋影野色踈花碧洞虛磬聲殘月蒼煙冷從
容稽首下彤闈昨日繡服今布衣風高劔浦雙龍過
雲斷瑤空一鶴飛殿中神羊詎不貴安能卷舌絕聲
歎邇來豪傑多豫章曾君鄒君俱磊塊朝陽三鳳世
所希青史千秋定誰在

春夜集潘士遠宅

王孫結客傾都城，并刀代馬獵胡纓。粉面虬鬚氣颯颯，
颯白日義重黃金輕。雅量能容灌仲孺，肝腸輸與田
先生。春城置酒候花色，午夜宮門月華直。盤中時出
五侯鯖，座上應多萬里客。何人談碁稱國工，少年擊
劍生雄風。亦有按歌調絕俗，更看作賦聲摩空。爛熳
金波竹葉釀蒼茫，汗血桃花驄六街無人月在手。戲
擊天河撞北斗，君爲布衣無不宜。我視微官亦何有，
紫煙滅盡夜轉佳。杳如空山坐寒溜，如此清暉不盡
歡。明 花 落 風 雨 寒

弄臣篇贈詹政叔

紅雲朋騰白雲走，霹靂轟轟撞北斗。闔闔天門夜不
關，六丁蒼芒萬靈吼。喧傳上帝失弄臣，玉樓寂寞天
女嗔。大索三界不可得，却在人世颺風塵。頭顱輸與
魏公子，戲笑親筆郭舍人。偶乘馬蹄踏燕土，使酒無
賴氣食虎唾。壺裂盡天地昏，如意揮殘日月舞。大醉
搥碎黃金臺，長安市上觀如堵。嗟弄臣一何雄，俯吸
碧海仰截青虹。儵忽千金到手盡，模糊萬物入眼空。
瞥爾論心有蜾蠃，當其失意無王公。人言骨相合貧

賤不禁陽狂丘壑中世上束縛冠與履放爾沈洋自
栩栩王母遭之亦解頤三尺鉅靈應識汝

贈董伯念膳部

美人家住青谿曲朝飛倉庚暮屬玉月明衆壑杳然
空雨過羣峰澹如沐高低密葉暗山厨遠近踈花暎
茅屋玉洞長穿虎豹行石牀獨抱雲霞宿笑呼童子
採青芝親見仙人騎白鹿生來坐占谿山幽寒松修
竹風颼颼五色文心發靈籟千年秀句驚神州策罷
天人直華省長安嘖嘖稱琳球風神散朗氣豪逸攫

雨拏雲一何疾生平不受魏其嗔少小好與田光暱
出看廣陌飛紫驕入據曲房彈寶瑟花前潦倒金叵
羅座上淋漓銀不律與余相見卽相投各吐肝腸挂
白日世人心知良獨難九河二峽多波瀾君歌我舞
亦足快臭味何論椒與蘭年年解道朱顏改夜夜寧
辭紅燭殘

陸母太夫人壽歌

上元夫人朝玉京相期王母邀太清赤霜之袍紫霓
旌青童口吹白玉笙瑤姬玄女寶幢迎暫來人世婆

娑行衣裳霞氣猶爛盈鍊炁服食餐雲英三度清淺
看蓬瀛吁嗟神母合有子有子今爲柱下史前身或
恐是李耳鄴侯風神待詔齒夫人今且住塵囂環珮
曾趨絳節朝名花寶月當生朝仙人來奏白雲謠朱
顏銀鬢宜春宵五花丹詔雙鳳翹夫人自有九霞綃
堂上阿母瑟初鼓階下郎君豸衣舞世上榮華盡不
數我欲爲君歌天姥

庚辰五月沈嘉則王百谷馮開之田叔見在青

浦著作

五月炎歊海氣黑癡龍倒卷天河圻余呼九關上帝
嗔疾風破山飛霹靂浩浩江湖不得奔手障百川泥
沒邾六尺小臣筋力疲四十頭顱半欲白故人念我
作吏苦同日相過同咄惜余病雖尪意氣麤便與雄
談開玉壺日射青天紫煙滅筆搖五嶽羣靈趨諸公
乘醉歌白紵大海况復來明珠吾鄉隱侯老祭酒布
衣蕭蕭雪盈首文章縛虎向南山名字騎龍踏北斗
近時天壤有王郎舌底縱橫繞電光落筆往往太綺
麗讀之能令牙齒香太史馮生烟雙睫笑對諸公睨

六合胷中藻思爛春雲頭上進賢等秋葉我家田叔
萬石儔近來亦復追風流自言浩蕩閭門下徬人飲
酒聽笙篴四三曹偶大才子一到卿雲夜夜紫高言
逸氣動天文五星奔迫白日駛余也小吏悲陸沉歲
月無情毛髮侵低頭未免時人笑抗手能得英雄心
但使英雄獨憐我笑殺時人無不可

寄劉觀察先生

先生觀察浙中時
余受國士之知

君不見豐城劍歛夜雙龍吼歲月老去多泥沙積來
厚千秋不遇張司空空有精光干北斗又不見爨下

桐一出烈火中清音滿天地不是中郎妙鑿賞煙塵
漫滅道旁棄男兒重知己拂拭開風神少年坎廩不
稱意夫子憐才一何真力驅春風吹枯草令我感激
思古人三年迢遞南中去炎徼蠻天沐煙霧萬死難
酬國士恩寸心易斷昆明路如今作吏低兩眉局促
安有胸中竒慙爲肉食相敢忘布衣時數口長貧三
尺在願言持此報相知

贈程子虛

咄咄東華大帝君天門朗照開人文無端小童歌青

裙六合靈氣相氤氳幻出才子大崩奔使我耳目零
亂如秋雲眼前一一南海珠筆端總寫金芙蓉意氣
長林風葉踈日爲諸公較簿書我才不足情有餘門
外何來程子虛手驅煙月黃山隅相看共剪西窓燭
大池星滿搖空綠更兼吳士慘舴艋好取天河瀉醴
醪夜深雄談落神飈猛虎欲到風蕭蕭自拚山店爲
官舍况借疎鐘荅海潮嗟余墮地幾四十頭顱短去
劔花澁鐘鼎富貴我不愛竹帛修名幾時立不如早
與公等尋一丘瑤草瓊枝等閑拾五岳四瀆真可期

金母木公定長揖

贈湯慈明

春風五雨凌滄洲水紋漲綠沙如丘王睢鼓翼澤雉
遊絲絲楊柳覆船頭夜涼簫管咽中流王孫新抱靡
蕪愁自言爲客敝貂裘登艫酌酒海欲曙絳河銀燭
天疑秋今夕何夕得同舟同舟美人若霞舉家在蕪
城舊禁籟牙旗十萬羽林兒錦纜三千殿脚女月明
鳳下憶吹簫火照烏栖驚列炬六代風華此擅塲花
牋秀句應堪數歌鐘撲地連香塵樓堞臨江弄煙雨

有時立馬看狼山興到乘橈泛牛渚以茲綵筆太紛
紜瓜步靈潮建業雲鮑昭才盡江淹歿南國詞人今
到君君才千秋足玄賞落落高情復雲上十年相望
白鷗汀一旦追隨青雀舫酒中累月見情真行吟散
髮惜餘春芳草時時能媚客桃花步步步可憐人最喜
天涯遇良友更得茹生若瓊玖齊塞杜若過橋邊共
醉蒹葭宿浦口嗟余博物愧司空吐氣安能占北斗
昔去無將匹馬送今來似挾雙龍吼

送丁右武侍御謫潞安司理迎母南還

豫章先生衝冠士白簡青驄柱下史然諾片語向客
傾生平寸心爲人死神馬騰驤蒲類寒寶刀颯沓妖
虹紫上書大叫天門邊風馳電擊龍蜿蜒一官謫去
非其罪獵纓西笑浮雲前馬頭不覽中條色杖底且
拂香爐煙心知聶政尚有母昂藏七尺未可捐繡衣
脫却披萊綵親製雪誼登舞筵孤帆海月橫空笛兩
岫江花下瀨船羨君此行亦足快五嶽當胸隱磊塊
古來英雄得道人匿跡收聲發靈籟不見高天霹靂
飛湏臾雲盡虛空在

鄒舍人歌

朱樓大道連城闈楊花撲鞍雨洗塵西山紅霞落日
晚馬上相逢鄒舍人舍人少年楚才子自言家住瀟
湘水夢澤魚龍枕簟中衡巖雲霧牕楹裏六尺文弱
意氣麤兩眼睥睨空萬夫讀書爲文有神力星辰岳
瀆毫端趨口吹西王白玉瑄手探南浦紅珊瑚元氣
淋漓爛天藻萬里雲霄致身早藜火踈星齋閣涼蘭
膏殘月華清曉山川大國青黛多旌旗羽獵荆王過
一帶微波沒漢女千秋斑竹哀湘娥所以荆人競霞
舉跌宕聲沉轉淒楚風急天空野鶴來江翻海立妖
蛟舞平生不愛塵網牽焚香約友謀清綠語罷上行
脩竹下醉來小臥落花前看君落穆真吾下快意風
流得心賞區區九州不足遊相期七十二峰上

董逃篇

君不見董逃風昔縱橫年隻手障日力回天揮霍山
河在指臂片言睚眦死道邊公子聯鑣金馬下豪奴
使酒朱樓前一朝富貴掩灰土鍾乳胡椒入天府銅
雀摧頽吼夜風石馬荒涼卧秋雨又不見貂璫日侍

君王側玉帶朱衣藉恩澤口中白日生風雲掌上青天飛霹靂空憐壯士輸頭顱但與宵人借羽翼忽然滄桑世事翻龍蛇窟壤狐鼠奔主恩猶待以不及匹馬蕭蕭出國門吁嗟乎霍氏之禍驂乘始梁家事敗秦宮死古來姦雄總如此吐氣衝虹霓拔劍斫海水坐令六合氛霾開天清地晶露泚泚壯哉批龍鱗不異履虎尾誰爲千秋人江李二御史

採花涇篇贈徐文卿

採花涇上花事繁王睢鼓翼倉庚喧南國明璫交雜

佩西園公子開酒尊沙棠之舟木蘭槳微風淥水橫塘上羅衣香裏寶扇搖玉遂聲中暗波響陸家兄弟傾吳都空青水碧世所無屬鴟一雙雪皓晶鴛鴦七十煙模糊美人蕭條黃耳去月冷花殘海空曙堤邊不見蕩槳人浦口猶餘採花處千秋秀色平原村只今惟有偃王孫偃王孫子美白皙少年才氣何翩翩枝枝瑤蘂真無價朵朵芙蓉信可餐京路風塵馬蹄緩與君送日南雲滿今年雪凍邊氣深來歲花開水痕暖可憐開時不在家何由擊楫卧空沙石瀨猶疑

聽清吹衣裳曾得染明霞青山一出是紅塵進賢寧
似華陽中相將頭白始歸去五湖荷花笑煞人

贈吳生

嗟嗟吳生流落居人下四十年前騎駿馬風塵失意
何足憐一日持杯一蕭灑金谷園中花滿谿眼前一
一成香泥古來得失都如此酒後花深鶯亂啼

君不見

君不見上有上帝貴下有后土尊百神列宿相擁衛
五嶽四瀆還崩奔元氣何淋漓大化總委謝日月朝

從滄海升星河夜向天門挂六合之內何所爲六合
之外君豈知井中碧落逗一線開口談天紛如厄鷗
白鷓雛嚇腐鼠鳩鵲嘲天池朝生暮死亦何有
無乃翻爲達者嗤君不見雷霆響烈烈蝸蟻聲啾啾
撞鐘泰山頂况乃罡風道揚帆涉滄海安得有細流
巨跡踏入荒大語驚千秋庸夫無遠心曠士多高韻
太息擾擾者終作朝菌盡寧爲神理責不受世俗嗔
趨時在得意所樂須及身烹羊飲美酒一醉蛾眉人
時來且富貴歟去當灰塵所以古人好雲壑不與區

區世人角谿面閉看碧浪生峰頭笑引丹霞落光陰
駛如楛世事俱電露萬物無不壞一官豈常住乞身
我有青山歸君到歸時向何處君今笑我愚且駭我
亦哀君喚不回試看牛羊秋草裏舊時金往與銅臺

贈吳山人昌齡

吳山人佳公子瘦骨清眉舌如綺三十瀟瀟老秃翁
一身落拓乾坤裏華屋朱門賣與人窮巷蓬蒿而已
矣門前獨枕大江流江上青山晚來紫彈琴度曲往
往精近日新詩滿人耳面帶煙霞相合貧布袍桐帽

無風塵更有清言堪絕倒高譚揮塵空四鄰座無君
卿客不樂安車爭欲迎山人耽玄好道自言尊繁華
剝盡見天根前身頭陀無乃是灰心直欲投空門空
門歲月眇萬劫世事蒼茫等秋葉余亦當今學道人
繡佛齋前片語合君爲布衣真自雄我雖有官轉眼
空一瓢一笠無不可胡爲齷齪居樊籠嗚呼胡爲齷
齷居樊籠黃猿大叫玄鶴冲與爾歸去青山中

送楊漢卿之金陵兼柬馮咸甫

金陵之山鬱岌堯驛路清霜明板橋長帆大編日來

往江上潮聲送六朝六朝送盡秋霧白銀鞍寶馬俱
蕭條我昔南中夢來久羨君今日登牛首細雨斜陽
萬寺鐘啼鴉曉月千門柳此時楊生策蹇驢踏花夜
出秦淮口秦淮口多酒樓酒樓簾捲珊瑚鈎雕簷低
覆紅恩采美人二八彈箜篌箜篌新聲佳且麗淥水
娟娟轉白苧櫻桃樹下門巷深思君望君宿何處雲
間馮生爾故人相逢共醉壚頭春風吹騮馬人如玉
雨洗天街香作塵愧我頭顱今老大流水無情白日
謝青山解得笑王孫空負秦淮明月夜秦淮明月白

紛紛一片晴湖沒彩雲因人更作金陵夢霜落天寒
好送君

金生歌

金生才氣傾吳都短小白皙美丈夫少年覽古破萬
卷魚龍灑澗吞五湖谿上沙明見神女江邊劍冷啼
專諸謁來西山醉落日酒態淋漓坐超忽呼盧浮白
花氣深擊筑彈棊月華出咿嘍不肯傍王侯香言身
中有傲骨一語落落便拂衣何處青山不可歸千金
錦上能辭賞一箭聊城堪解圍嗟余與爾本同調却

彼微官苦相黜坐使英雄如檻猿齷齪低眉向人笑
今我何爲馬上塵相期共理湖中櫂

贈朱汝修

下蔡佳人何婉孌家在河南多隴阪劉安好文復好
道手招八公闕僊館山上井竈今猶存雲中雞犬去
不返玉瑄聲達青挂踈金校堆冷白日晚佳人携家
亦北遊飛沙積雪古幽州少年讀書有遠韻高言落
筆鏘琳球枕中鴻寶煙霞繞肘後金丹沆漉浮入山
採藥逢樵牧有時結駟交王侯香鑪茗椀夜寂莫名

花脩竹密淹惡飛觥授簡窮勝事海色東曙河西流
直欲淋漓破萬卷安能鹵莽營千秋余本野客卧雲
霧偶來作吏舍香署與君相見即相投數過開尊坐
嘉樹司空望氣知劔埋太史占天奏星聚愧無玄草
示侯芭但喜清芬對叔度一登廣武歎英雄再讀靈
光失辭賦君猶白雪競高歌余已青山領深翹相期
還訪濠梁翁戲踏靈峰紫煙去

贈周生還吳興

周郎嫣然性落穆身世輕風載黃鵠生來家本蝦蟆

陵作客今依龍子國少年警敏多執事擊劔弄丸風
雨速朝驅腰裏出東郊夜倚筇篻醉華屋月下曾觀
神母碁花間戲共仙人博榻來燕丘何徜徉燕姬酒
肆客疎狂黑水灣前懷督亢黃金臺下哭昭王天荒
涿鹿鞦韆架日落盧龍蹴踘場大將旗開掣黃霧匹
馬又向雲中去邊氣寒深金僕姑角聲吹老丁都護
馬蹄踏穿筋力微飄然便指五湖歸清秋蕩槩月橫
浦薄暮回船水濕衣

中秋燕郭舜舉兵部宅

中秋夜醉令公家更深雲盡月吐華座客半是五陵
俠邊風不動天無沙妖童新度梁州曲豪士自鼓漁
陽搗滿庭玉露桂花冷金杯盡入山河影六街如水
爽氣空疑在長湖三萬頃殘螢數點媚秋衣變宮流
徵娛清輝何人拔劔忽起舞英雄猛氣橫金微大星
兩落北斗亂眼看百道虹光飛郭夫子何瀟灑一夕
風波尊俎中十年飄泊邊垂下歸來髮短雄心存猶
是當時和歌者世事閱盡浮雲輕榮華飄忽流電驚
矜名鬪智取大利意氣千秋莽未平銅臺上食亦何

用金谷草荒寒露生以茲感歎增慨慷白骨不到空
名香明月既在天 羹酒復盈觴何物螺螄何物侯王
丈夫眉頭無日不揚人間火宅那可住倒翻銀漢游
清涼

題玉芝館

洞門蕭蕭靈雨響窓前一夜青芝長空簾不動香出
花曠曠旭日開明霞主人燕坐白雲墮客去猶復鳴
箏坐青谿寒溜通平池落花數點竹千箇

贈董玉几山入

玉几山人家越絕石帆秦望參差列榻來燕巾二十
年杖底煙雲護雙闕蓬累朱門浩蕩行子雲筆札君
卿舌案上長披東觀書欄前半落西山月抽毫授簡
青尊賒擊筑彈碁白日斜居貧不受灌夫罵結客曾
過宋方家好古耽竒工薤粟蒼茫黯澹神靈哭赤雀
銜來玉簡文玄夷捧出金田錄巨碣魚龍沒水求大
碑風雨摩崖讀向來此物知有神蒼頡史籀俱灰塵
銀爲不律鐵作限董君大雅今無倫禹穴蘭亭日在
眼勸君莫老長生春玉洞丹霞堪杖策桃花野水待

垂綸

黃山山人歌贈吳孝甫

黃山山人吳孝甫風情蕭散復豪舉少年結屋向崑
閩前有熊熊後猛虎采芝長嘯歸來遲流雲滿牀月
當戶高松蒼蒼含古色一一擎雲攫河鼓阬谷窈窕
藤蘿闕慘澹精靈夜深語男兒寧肯老一丘杖策終
然走吳楚卽今攜家住廣陵大扁乘濤弄煙雨世間
日月如轉蓬荒援大叫黃山空昔年取醉長千里金
裝寶馬珊瑚紅歌舞倡樓極妙麗結交酒肆多英雄

五嶽都來雙足下千秋總盡一杯中男兒生不封侯
佩朱紱布衣放浪吾願畢當胸磊塊不自銷往往跌
宕見英物萬事脫手應倏然不爲仙人卽爲佛不仙
不佛卽亦得生時飲酒必埋骨丈夫踪跡廓落有如
此八紘湫隘如篝羅三十六峰回首堆青螺排風騎
氣差足多黃山黃山奈爾何

白榆集卷之四



東海屠隆緯真著

五言律詩

寄周元孚

寂寞淹郎署歸來楚水湄
名高神理妬才大古今疑
孤月林扉白深江石壁垂
浣紗聊自得知不恨蛾眉

潞河晚泊二首

迴浦落帆盡長堤帶郭斜
暮煙平吐樹春雨薄沈沙
白艇藏漁市黃茅覆酒家
一瓢雲水外不復問華年

何物妬綸巾乾坤一放民女蘿縈灌木官柳出層闈
花暎春遊騎煙迷晚渡人回舟見新月痛飲得天真
雲居庵作

煙巒最深處野鳥啼空山日暮蟬聲急松高鶴夢閒
漁舟花裏出僧屐雨中還客去禪逾寂焚香獨掩關

哭姚進士

颯沓雲霄上俄然掩夜臺天高虹氣歿霜冷雁聲哀
有母登機杼無家問草萊願乘緱氏鶴一歲一歸來

慧山寺

斜日照東林泉聲響玉琴雲來栖樹杪僧轉入峰陰
淥酒真堪醉瑠芝不可尋石門高韻在感歎欲彌襟

八公山

落日到山家千峰變紫霞礪松窺絕壑瀑水濺寒花
仙路知無盡吾生信有涯一官今夢覺早晚鍊丹砂

崧澤袁將軍祠

將軍埋骨地千載尚名村殘碑剝風雨廢隴牧雞豚
香火開新廟麾幢出夜蒐英雄總如此今古不須論

二陸祠二首

歎息英靈去祠成落照多梁初喧鳥雀門已挂藤蘿
龍劍埋青草文星沒絳河空然持桂酒不飲柰公何
細雨濕微茫高丘大樹荒軍容吞漢魏文藻壓齊梁
烈士心無恨名山骨可藏門前五湖水日日浸斜陽
周元孚至吳門負約不至以詩憾之二首

一水盈衣帶三秋傷別離到門人不見猶作隔年期
冷露蒹葭外空庭風雨時君能忘夙昔吾亦罷相思

徘徊不一過梁月奈君何山豈名迴雁公今無渡河
自憐花逕寂何處馬蹄多幸有碑礫在孤吟向薜蘿

感悟四首

人理受天弢雲霞物外高悟來真自哂氣盡欲誰豪
至寶寧終曜虛名或可逃月明殘潦在片石阻炎囂

薄俗詎須論人言巧者尊嫌喧終未寂益智不如昏
雲霧屯松杪谿流洗竹根無愁堪送老夕月與朝暎

鐘磬發清音空山生遠心飛蟲管生滅流照問升沈
峽束車爭道峰迴鳥息陰藤蘿挂石壁風至忽鳴琴

蓬戶滿躡躑天寒雨雪漉將因管萬載寧復悟來朝
物遣神應澹思深理自超虛空任來去吾豈託陵茗

哭伯兄四首

甯戚布衣單姜肱襪被寒面常無飽色眉不挂愁端
野潦迷樵徑江風吹鉤竿平生真自快今日理應安
小弟困諸生家貧鄉里輕官今叨散吏俸始及吾兄
聊以供遲暮胡然隔死生填篋翻苦調悽咽不成聲
門前吏索租堂上客呼盧取酒黃金盡彈碁白日徂
瘦真同野鶴懶可狎鷗鳥落落荒丘在年年芳草蘇
獨立問蒼茫寒雲擁大荒河流積凍雪木葉變清霜
歿去千秋短悲來一日長吞聲兼技淚垂白在高堂

夏日縣齋卽事八首

新月映蒲團涼風吹竹冠鈎簾遲暝色拂水作清瀾
心已空諸界身猶多一官卑棲無可喜有喜是端愁
荒園塵世隔野水暗渠通鼠挂松枝裏龜遊蓮葉東
靜中無一法何物未能空美酒良朋夜清言高紅燭
謀生生有涯欲去去無家薄祿貧交盡一官雙鬢華
名將逃薜荔妬不到煙霞何限秦公子千秋說種瓜
當機巧若神抱甕復何人不敢非卿法還應任我真
山煙送清磬花雨洗香塵身世長如此何言要津路

長林皓月初高樹綠煙踈露冷驚霄燭荷圓名夜舒
魚龍窺寂寞河漢坐清虛猶自嫌多事焚香與讀書
官濁夢寬清蕭然無所營庭空黃鳥下吏散白雲生
父老譚爲政兒童識性情但求吾自適安用取名時
老去日蕭騷狂來猶自豪滑稽終不類磬折詎云勞
向夕吟微雨追涼呼濁醪揚帆亦足快江上有濤風
雲水問幽踪生涯託瘦筇漸能驅害馬兼欲廢雕龍
不淺濠梁興言窺柱下宗何當抱孤影滅跡向青峰

雲間十咏

有引

余身纓冠服志在丘樊覽古揮毫間多感慨雖雅
乏詞人之致然風蟬雨蚓時鳴天機不能自止此
待罪由拳故江東沃壤勝區自昔霸王豪傑之所
經營才人韻士之所藻繪山川名跡往往而在前
人舊多題咏余不揣偶檢舊題爲之嗣響用貽後

春申浦

峩峩楚王孫遺蹟在洪源花朗妖姬映谿虛野吹繁
空名青史挂老樹白雲屯氣折豪華盡千秋恨李園

顧野王讀書堆

希馮秀巖穴高韻掩時賢香挹花間露清分竹裏煙
春莎平墓道秋雨漲湖田颯颯長林下黃狐飲澗泉
寒穴泉

靈巖開雪竇玉乳冷朝暎瀉落經雲葉流來浸竹根
將因鑑毛髮兼得洗心寬坐對真清絕山風吹石門

吳王獵場

霸業在宣威高原試合圍後宮開騎吹前隊捲戎衣
霜落胡鷹俊山空秋兔肥雄圖收野火樵牧晚涼歸

秦皇馳道

風煙包九州八駿想同遊颯颯神鞭下蕭蕭鬼語愁
松高清蹕響雲白海風秋自是無靈氣三山實可求

採花涇

澤國泛沙棠波搖羽扇涼並開青茵苔雙映紫鴛鴦
玉管吹花氣金杯薦月光何如不入洛長往水雲鄉

黃耳塚

生來多慧性死去卽名村亦有獼猴果何論鸚鵡言
水深迷草徑月冷吠花源索莫平原里應憐舊主恩

三女岡

三女臨妝鏡千花嬌映人金釵沒黃土玉骨化青燐
昔有宮娥侍今爲野鳥隣繁華總如此所以賢清真
赤烏碑

高碣俯江潭禪牀嵌石龕經聲秋樹冷寶相夜燈含
歲久龜龍剝波深罔象探向來成壞理好語杜征南

滬瀆壘

取酒臨秋澗寒花故壘紅血沉金鏃冷鬼嘯白楊空
鳥度悲風外月明清露中採蘋何處薦流淚向袁公

夏夜小集得乾字

良夜不成歡人生此會難露侵銀燭淡杯引絳河乾
搖箏山光亂吟詩鶴夢殘醉來還問客五斗是何官

送藍丞歸隱南康

賢聲父老傳落落莽風煙行路無知己歸耕有薄田
三江彭澤地九月菊花天山色斜陽外思君足晏眠

登鳳凰山二首

行役坐山樊陰蘿水氣昏寒花生石壁古路入松根
暫與閒雲寂猶嫌啼鳥喧開尊來野趣隨地洗心
林響踏空沙川光映紫霞佩猴竊山果童子拾松花

風磴千盤折寒江一帶斜僧來背殘日落葉滿袈娑
廢縣

縣廢居民散庭空野草長霜鐘鳴破寺茅屋伴斜陽
古道惟黃犢酸風多白楊興亡亦天道把酒立蒼茫

金澤寺四首

聞道東林勝年深碧殿荒青蘿生大佛黃葉到空房
燭冷分湖月鐘清帶夜霜布衣真吏隱隨意踏廊長
石氣剝松根波聲撼寺門看雲成野趣選竹合山尊
鳥下如相識僧來不共言宦情合轉薄早晚樹喧塵

羣峭插天陰孤村抱雨深心閑因水國地勝在雲林
葉響寒猿過風高曙鼓沈平生愛空寂寧獨為臨登
一夕宿招提蕭條野水西沙頭橫亂艇竹裏出鳴雞
霧樹昏巖洞霜苔滑石梯性空元不染底是世人迷

泛澱山湖三首

扁舟凌紫氛蕭洒絕人羣浦暗逢吞樹湖空不碍雲
浪推沙鳥出風挾寺鐘聞故有滄洲癖徘徊眷曛夕
帆去疾如矢浮生當奈何青林迎疊鼓白日弄驚波
日送吳天濶牕收野色多空津雲霧裏凌亂起

漁歌

鳧雁寫波容蒹葭日氣濃天深入雙槩水大浸孤峰
濁酒愁無客清歌響觸龍尊前探秀句忽到九芙蓉
首夏遊超果寺因過陸君策水竹居

時余素食
與有道者

王君跌
生申旦

偶踏雲門寺因尋水竹居涼風吹古屋斜日照殘書
白飯堪施鳥青蘇不煮魚夜深高燭盡星漢入檐虛

贈錢太守

官爲二千石家無八百桑興來時採藥老去欲休糧
白日松陰冷青山鶴影長看君多道氣五嶽可徜徉

螢

小燭冷無煙繁星不在天傷人窺羽扇拂水照池蓮
緩逐涼風度光因白露鮮最宜憑夜閣明滅竹林邊

白頭公

四十頭先白一官心尚玄問公不作吏何故亦皤然
情識悲膏火年華感逝川因公還攬鏡歎息落花前

鶴

矯翼凌霄漢癩栖支遁園山空桂花冷夜靜松露翻
長鳴振厓谷高韻標丘樊所貴在物外詎肯戀華軒

中秋夜集

不厭中秋雨天街暮色虛蟲鳴帶流水螢冷入殘書
綠酒傾河漢華燈代望舒因憐故人好轉與世情踈
青谿卽事二首

涼雨沐神臯陂塘浸野蒿詎須嗟落莫差可避煩囂
水國多菱芡山田足蟹螯靜憐池上月清露滴松
分符得水縣蕭瑟總堪憐處處張漁網家家紡木綿
波聲喧客夢山翠借廚煙落日船回浦聞歌半採蓮

留別沈孟嘉

秋空墮黃葉寒月去青谿官舍依龍子煙霜又馬蹄
語深香燼落花冷燭光低不用提壺送徭覓湖水西

留別郁孟野

三年同患難聊一詠河梁淚與秋雲積心知別路長
單車行野日短褐逗天霜江海風波濶松蘿且竹房

秋海棠

秋日自娟娟紅雲妬不前尚是青皇色貪分白帝權
無香何足恨有露轉應妍好與芙蓉並絲絲裊暮煙

虎丘

丘壠鬱蒙茸金銀夜氣濃年深荒佛殿况乃問歌鐘
殘月掛枯樹寒星入斷峰詎須恨麋鹿把酒對青松
弇州園池上泛月

寒塘映華屋清夜泛蘭舟月照水逾白波平樹不流
花從霧裏出魚在鏡中遊故是方平宅渾疑到十洲

彭城渡黃河

彭城臨廣岍俯仰霸圖空白日照殘雪黃河多烈風
所嗟人向北不似水流東回首滄溟曲山山雲霧中

劉觀察先生罷官歸蜀感賦

罷官君亦得歸種壤西田日月淹高足山林借盛年
浣花平帶郭濯錦濶浮天載酒吟詩處逍遙可命篇

任城道中聞殷無美方衆甫梅客生諸君登第

識喜

背去曾三刖今來始一鳴人心驚異寶天意借橫行
風緩聞箏細花高與殿平爲君浮大白野店月華清
聞瞿孟堅墜車傷足不赴公車而還使人物色
之不得其的耗爲之愴然有作

汝父行遭蹶君車墜復傷胡然連破甌詎不戒垂堂

白梅集 卷之四
歌罷抽長劔悲來叫大荒扁舟雲水濶何處望瀟湘
懷田叔六首

叔也逃名客長吟招隱詩樓閣開曉日石竹蔭清池
放鶴踈鐘午焚香夜漏遲歸來好相傍多恐悞時花

僧瓦覆蒼藤朝來露氣澄種蕉延野鹿留飯與山僧
自喜塵緣減猶嫌酒態增了知官况薄詎必是能無

煙霞吾有託爲上水雲鄉可治辛夷塢曾開紫葯房
無將入高蓋只便禮空王投老雙棲處間眠弄夕陽

李愿歸盤谷王維住輞川花間隱基石竹裏出茶煙

網挂魚腥浦波平鳥下田門開見太白不費買山錢

大海白煙鋪羣鷗下可呼携舟臨岬曲引客坐城隅

嬌女嗔花落兒童說歲除空中何所有茶竈與香爐

古渡浣桃花平林吞白沙聽經香積寺看菊野人家

隱迹混人世禪心見物華一官堪自穢慙媿說煙霞

春日懷桃花別業十首

昔住桃花屋牕開雪浪崩黃狐行亂葦蒼鼠戲垂藤

海黑腥龍氣沙明見佛燈乘潮欲飛去真不禁馮陵

秋蛟怒不休水氣鬪連牛古路天邊沒洪波竈下流

浮槎采菰米乞火向漁舟落日捐雙珮曾陪龍遊

緩步踏江村沙晴晚日暄偶然逢野老相送出柴門

曲岸隱漁吹平橋落水痕歸來坐長薄星月飯黃昏

出門無所恨但恨別蒹葭月照翻輕浪鷗飛帶淺沙

看花驚老大種竹換隣家羨殺安期輩三山食巨瓜

恠底鸚鵡集翻思鵝鶴冲飢來餐荇菜倦矣臥雲松

郭帶潮音洞門當太白峰天風忽相借是處躡靈蹤

我家大江上心與大江空雷雨千峰白朝霞半壁紅

海神驅石路泉客織綃宮忽漫吹長笛驚鼉響夜風

五月黃魚熟千帆劈浪過煙中列酒舍花底掛漁蓑

人語水禽亂簫聲估客多傍船歌越女步步欲凌波

村村鳴社鼓處處擢空舲江水一灣綠廟門雙樹青

行人背殘日斷隴入寒星自爇松明火閑開寶積經

每當桃花月苦憶桃花津輕舸入東郭濁酒過西隣

數問林中叟多非世上人年華不相待猶自溷風塵

水國眠鷗冷霜天到雁遲少時心所狎真與性相宜

葭莢空煙積芙蓉晚露披有家堪勅斷况乃一官為

治平寺

宛轉入招提雲堂湖水西流泉從竈出山鳥隔花啼
佛帶蘿陰古僧來暝色低東林留勝事玄度託幽栖

鷓鴣園

蒼萃雲水態寥廓使君情鶴傍松崖古魚游石瀨清
斜穿洞逾迥陟挿徑初年行雨增山溜空琴滴暮聲
夏日過譚氏玉芝園

爲眷丘中賞聊尋物外言荷香涼入酒松色暗當門
屋冷雲長覆池平水不喧逝將謝塵鞅散髮坐花源

訓黃侍御四首

短褐去邊雲蒼茫別使君土牆野色暗蘆管莫聲聞
羸馬猶堪策枯魚手自焚滄江足投老隱矣不須

雪盡條風暖冰開野水流誰携燕市筑獨上鑑湖舟

芳樹蔭黃鳥平蕪亂白鷗延陵豈不達吾意訪披

真成涉苦海政得返中林酒德媿猶淺宦情應不深

停杯候花色移席就桐陰日暝空香裏了知無心住

雲白天青外彌看靜者尊殘霞帶蘿月飛瀑灌松門

息影今無累含沙亦是恩十居隣福地玉篋授真

同范太僕莫廷韓徐長孺彭欽之泛舟青谿登

天馬山憇蕭寺限韻

停舟大寺南盡日看晴嵐水曲雲遲度沙虛日倒含
谷風腥虎豹石蘚繡瞿曇且結煙蘿賞無爲人世談
五言排律

夢登太和

夢上太和峰青天杖綠筇猛風搖曲磴烈日挂飛淙
飲澗馴雙鹿拏雲拔五龍寒濤起松枯秀黛掩芙蓉
初月千峰紫斜陽萬壑春峻嶒天轉近詰屈路逾重
海東盤如帶雷低吼若蜂晴光上界朗雨氣下方濃

霞度斜穿嶺星流亂貼胸石壇青柱合金殿白雲封
幢蓋羣靈會香花衆樂供神芝洞府秘寶籙道家宗
麟鳳仙廚異醞醐天酒醲亦曾聞勝事何處躡靈蹤
望去雲鴻接俄然笙鶴衝空懷紫煙客不住絳桃容
俯仰氣俱盡踟躕意頗懂天門豁清曙松露作深冬
大地波聲細皇州曉色籠有山皆出霧無殿不鳴鐘
覽眺平生好驅馳世事情逝將愜幽賞井竈一相從
寄魏懋權太常

才名君獨早束髮事墳丘氣壓西京壯風高北地遒

冥心棲混沌抗志絕响嘯拂峽山靈咄探珠川后愁
興來驅萬境語到失千秋龍劍司空賞神駒伯樂收

懋權少以才

受知瑯琊公瓊芝生玉洞國寶號天球文彩杼三策

嘉名動九州罡風搏俊鶻楛矢射羆牛隻字雞林重
連篇鳳閣求大呼驚左馬餘響奪曹劉巨石神人鑿
鮮雲巧匠鏤汲多泉必美如重物應尤寂寞代空往
蒼茫世罕儔相思邈河漢作吏在滄洲水潦深過膝
風沙障滿頭將迎常磬折版鍾每畚講野宿親魑鬼
泥行狎秃鶩瞪眸怒罔象蓬髯祝甌窶自以肱俱折

何言手不龜蒿藜俱失色薜荔總蒙羞舊業風中絮
新知水上漚含毫無藻思填腹有煩憂世路交難借
夫君義可投龍輿馳峻坂鵬羽刷洪流稅亦由神解
心將與道謀願言承聲欬與子結綢繆儻一因陽雁
題書盟海鷗

弔李太白

李侯何浩蕩才氣朗秋旻萬葉王孫貴千秋俠士踈
雕龍摧六代捫虱控三秦氣縛南山虎思姦東郭麴
自言金粟是無乃歲星真語語芙蓉秀時時光景新

狂來人不識創出古無倫白日奔雷電青天出鳳麟
機鋒橫錯落座客駭逡巡巴曲聞天樂神光滅鬼燐
雨沈鐘鼓死風擊海濤齋岱嶽舒高曠江湖託隱淪
青霞綠玉杖丹洞紫陽巾月笛吹三弄煙蘿臥十春
崇朝登殿閣出入耀車輪酒肆酣歌客詞林供奉臣
揮毫駛風雨抽藻亂星辰睥睨輕中使沈吟賞貴嬪
無時不中聖有句輒通神未解千花妬寧辭萬乘嗔
當胸多磊塊入眼失嶙峋行矣孤標在終然入極人
主恩賜雲壑浪跡便風塵南國陵陽伴東林惠遠隣

雲門路杳二鏡水石粼二松葉堪同暝桃花數問津
青山落君手美酒亦沾唇但得千回醉安能一日顰
長流窮自適高咏老逾珍巨浪蛟龍狎寒燈魑魅親
靡芟芳可掇蘭茝細堪紉人代欽才子乾坤作放民
外應歸曼情生不弔靈均名獨雄文著心將大義伸
官因飲酒棄家以散金貧国士汾陽淚英雄劇孟身
執鞭向高塚挂劔指荒榛遮莫遊青漢將非跨赤鱗
臨風惟慘愴俯景一酸辛落二緣才大飄二得數屯
異時同調在肝膽向誰陳

孟冬行部經舊縣作

原野踏來長低回黯斷腸人家總蕭瑟風日更蒼茫
水涸橋痕碧煙昏野燒黃枯楊吟淅淅獨鳥下荒荒
昔號鳴騶里今爲牧豕場田夫耕廢縣山鼠過頽牆
露葉堆僧舍霜藤挂佛堂狐騎行大澤鬼嘯響陰廊
老樹影俱瘦幽花冷自香孤龕逗寒雨踈磬發斜陽
蝸蝕銷金篆苔侵剝盡梁行人感今昔父老說逃亾
無乃征徭重兼因饑饉傷祇言財賦地寧惜沮洳鄉
去歲風飄屋頻年水沒牀荷鋤力田畝負鍾治河防

病婦衣多結衰翁鬢有霜家貧仍畏吏租去已无糧
沙上拾殘葦牆邊卧矮桑天心莽難訊人事有悲涼
大國連蕘在高門列宿張車輪若流水服食擬侯王
鐘鼓千燈豔管花九陌芳吳歌儼相亞楚舞復成行
至管留春色金屏綴夜光富應厭梁肉貧不飽糟糠
吏治真無補空慙色綏章

哭君典太史

生歿不分明胡然造物情冥二竟易散落恨難平
帝急收靈寔神應妬大名龍亾昏北斗麀亾哭東京

雄畧推黃石文章吐赤瑛猿公朝擊劔鬼母夜談兵
虎帳邊風疾龍堆塞月橫揮金遍梁楚結客滿幽并
赴義雙鞬在投軀七尺輕才高堪用大心小亦持盈
華削開金掌星輝指玉衡舊爲香案吏人道禁垣卿
日竝寸心朗天將隻手擎光芒新出匣名字甫登瀛
空負千秋氣都無一事成山川堪下淚豪傑總吞聲
迹似崩高浪名疑誤太清青崖破雷電白日走精英
神馬方騰踏飈車忽下迎兵書藏絕峽劔鳥掩佳城
坐惜滄溟逝誰扶岱嶽傾士林成慘澹大地失崢嶸

不得金門隱虛傳木帝精未能驂獨鶴先已跨長鯨
早應函中記將從炭市行懶殘無復驗磨勤祗堪驚
詎謂松喬佖才同木槿榮徒聞持五戒竟不滅三彭
杲日凄凉出孤煙莽蕩生雲荒丹鳳闕沙冷白鷗盟
何限同心恨終傷異代更長安一把臂逢夜數飛觥
歲晏秋蓬折離思春草縈山谿維短櫂水縣飽香秔
識性忘吾汝連姻復弟兄共將天路遠還約鹿門耕
松葉燒丹竈桃花暎紫笙前期今已矣後事杳難評
汝效真幽怪吾生亦贅癭媿無能贖命何必論沾纓

白榆集卷之五

東海屠隆緯真著

七言律詩一

東郡登光岳樓

高閣崔嵬混太虛
大荒東去獨躊躇
橫波白日雕牕
合陟插中天繡柱
孤微辨牛羊
平野外忽驚風雨
太山隅酒酣戲踏雲
間路咫尺羣靈不敢呼

贈吳生

吳生者先朝仁甫學士仲子學士以文采風流名海內吳生亦有文善譚笑與不佞交善及不佞作吏雲間吳生見過而短褐不掩肘貧甚不佞不勝任助諸子之歎作

此贈

三年不見貧逾甚四海相投舌尚存世有千金買歌
笑誰能一飯與王孫到來秋水浮官舍歸去寒潮滿
華門剪燭西堂明月夜人情翻覆與君論

莫廷韓吳孝甫小集得花字

馬下城隅吏散衙開尊與客坐蒹葭胸中一夕生丘
壑世上千秋看莫邪鐘迺冷風響脩竹池空明月笑
踈花誰言牢落柴桑令不是蓬蒿仲蔚家

送表履善南遊天台雁宕諸山兼訊表黃巖

府

送君明月響空舫滿擔煙霞布襪青猶恠一瓢風謔
謔獨行千澗水泠泠人間已解王官印天上仍爲處
士星此去定逢勾漏令不知何洞注丹經

楊公亮太史奉使東藩暫留西湖却寄

天書遙指白雲封兼理名山綠玉筇好去岱宗捫日
觀偶來水國看芙蓉舟行露下空江笛月滿谿南大
寺鐘我欲翻然追紫氣塵沙何日得從容

送周明府入覲

疊鼓鳴笳不住聲萬人相送使君行天寒十月過秦

白梅集 卷之五
望朔旦雙鳧入漢京葉落關河嘶去馬花開馳道語
流鶯大官賜燕酬筐篚定醉形墀白玉笙

送楊別駕考績之京

朝天奏績五雲高家在神京長鳳毛金殿爐香薰綵
筆玉河宮柳映緋袍西山爽氣堪支笏南國才名欲
贈刀此日送君飛木葉寒沙鳧雁滿江臯

壽袁履善二首

老去無官名自尊悟來大道總何言鳥啼江雨雲中
路犬吠桃源郭外村入谷煙霞堪結伴登樓河漢正

當門青冥紫邏無人住日暮風吹洗藥盆

背郭臨谿開曲房天低平望極蒼茫采芝夜臥青霞
館辟穀朝餐白石糧歲月總銷却竹杖生涯半在水
雲鄉知君名注丹臺久早晚凌霄鶴駕翔

集履善海月樓限韻

片片芙蓉落大江忽看秋色在西牕坐臨高閣天陰
半日挾浮雲鳥去雙深醉儘翻青玉案清歡不問碧
油幢年來銷盡飛揚意獨有詩魔未肯降

送范司理之南北部

閑曹喜得白雲司水木清冷出世姿已識一官如露
電爲言吾道摠希夷遠心強半依僧舍高韻應堪入
畫師共約他年嵩少下買田十畝種青芝

送沈君興北上四首

黃石兵符鴻寶文浮生一半五湖濱玲瓏海月開丹
壁窈窕僧房臥白雲吾道總非丘壑相才名早已世
人聞蒲萄酒似江波綠斜日踈煙獨送君

百年那得指冥鴻四海行看起臥龍蘭逕晚雲拋竹
杖花宮明月聽宵鐘卽逢霄漢新恩下不改煙霞舊

日容見說丹臺留姓字了知出處是浮踪

交情原不隔雲泥兩過糜蕪綠雨谿我有一官同野
鶴君行雙闕聽朝雞沙含遠樹帆如雪水泛空舲月
滿隄清夢未能忘薜荔愁來落日敬亭西

俠氣全銷名益尊白雲送出謝公墩門前客散金應
盡枕上書成劍不昏莫謂清朝堪避世由來烈士解
酬恩我行先掃峰頭月共約煙蘿閉石門

訊孫以德太史

雪夜花時竟杳然垂絲掩戶送流年官爲金馬含香

白梅集 卷之五
吏家近華陽小洞天蘭若疎鐘侵爽氣松巖斜日好
高眠何時同結蘇門侶一嘯凌風入紫煙

送黃太史還朝

揭天絲管雜鳴榔正及芙蓉遶郭香送客聞歌多麗
曲何人不道是仙郎江搖雲樹含秋色帆挂星河覺
夜涼此去東方真大隱可堪湖上夢鴛鴦

送陸伯生同黃太史北上

圖書三徑未爲窮何事天涯學斷蓬況有歌聲出金
石不妨秋色冷梧桐馬蹄踏破迎關月鐵笛吹殘響

夜風知爾聲名高人洛近聞龍劍賞司空

夏夜泛舟青谿得東字

千家噫隱夕陽中一葦蕭蕭浦漱東疎樹晴搖樓映
水斷霞初散月當空花明子夜嬌華燭簫咽中流度
冷風欲繼清歡遲三五芙蓉間向酒杯紅

水上聞簫

誰家玉管正氤氳半入天風半入雲掛目秦嬴樓上
罷却來漢女水邊聞響侵銀浦波相瀉夢醒魚龍夜
欲分寶月斜沉紅燭冷露華淒斷泣湘君

寄陳伯符

府中年少更何人
花使曾探上苑春
可奈傾都看衛
圻向來作賦擬安仁
門閑時有孤雲住
官冷應無長吏嗔
媿我稱兄真老大
低眉羞澁在風塵

寄沈少卿

沈郎纖瘦美風姿
袖裏芙蓉七尺披
才子名高兼善吏
水衡官冷不妨詩
霜清古洞丹霞色
月白空山青桂枝
我在泥塗君貴仕
臨風未敢說相思

寄座主朱太史先生二首

三年澤國困饑傷
父老流離井邕荒
星漢空懸天咫尺
薰葭半住水中央
一官轉與泥沙近
雙鬢都如秋葉黃
行矣他時雲壑下
佇看北斗挹天漿
滄洲小吏合沉淪
霄漢無才可致身
牢落三年空送老
淒涼數口不辭貧
風波只自依龍子
寒暑那能北雁臣
敢向明時忘暮夜
關西伯起舊門人

寄沈茂仁太史

近來潘左正雲興
惟底長安紙價增
才子氣堪凌綵筆
少年官欲比壺氷
芸香朝閣聞金磬
御苑秋河度

玉繩莫問故人滄海曲飄零久矣失飛騰

寄沈肩吾太史二首

蛾眉衰颯髻毛斑負汲提筐大道間自以將迎銷白日不因啼笑損朱顏閑傷首霜秋風裏無數芙蓉綠水灣霜冷劔花空繡澁生涯多只在青山

天柱峰高不可捫空勞使節問河源故人老去官仍拙末路塵多智益昏樗散祇今宜洞壑歲星自古在金門幽栖何日依田父高枕斜陽卧樹根

寄君房箕仲四首

三年作吏五湖旁萬事蕭條兩鬢蒼竹几藤牀多暇日雲曹水部總仙郎空憐綠樹岩前長閑煞芙蓉鏡裏香墨綬生涯君莫問紅塵馬首送殘陽

天坼黃河不問津空令書劍飽風塵向來慙媿詒芳草今日真成負故人政拙祇堪高士笑宦貧猶免大官嗔鹿門早晚躬耕去翠壁丹霞絕四隣

故人久矣如花封况是青谿碧樹重泖澱晴開雙寶鏡峰巒高削九芙蓉雲邊鐘冷來山寺竹裏泉香度石淙吳地風光雖信美縣齋柰可不從容

片雲西北是京華慘澹吳門落日斜得意錢郎正霄
漢貧時管鮑在泥沙愁來一水迴青黛望入千峰變
紫霞不信安仁憔悴甚但看白露老蒹葭

讀李惟寅貝葉藁却寄

讀罷高篇意不忘西山爽氣到林塘扶桑秋曙銀河
淡絕壑春聲碧樹涼藻思直懸何水部布衣不獨孟
襄陽大梁公子淮南賦并作千年俠骨香

寄瞿睿夫二首

思君明月滿巴陵夢斷洪波響洞庭欲採驪珠迷楚

澤不將寶瑟怨湘靈春迴細雨芳蘭長谷暗秋風苦
竹青夜奏朱絃望星斗銀河瀉入水泠泠

昔日長安酒肆中塵沙草草得英雄三年漂泊成風
馬兩度相思寄澤鴻楚調清冷霜月淡吳歌淒斷水
煙空與君各抱千秋意但願青山白首同

寄張太史

好風一夜鳳毛生獨鼓雲和湘水明劒氣千秋懸北
斗筆花五色照西京明珠碧海今無價玉笥丹臺舊
有名遙想著書天祿上紅雲散盡月華清

寄楊伯翼時伯翼居先大理公喪久不通訊
遠自濠梁轉入吳飄零三載各踟躕劍寒秋鏢芙蓉
歿月落空江野水枯我以紅塵銷鬢髮君將清淚滴
珊瑚薜蘿總是思公子獨立蒼茫一字無

嵩澤弔袁將軍二首

黃霧春天海浪驚斜陽江水哭殘兵野禽飛上將軍
樹田父來耕滬瀆城劍蝕土花秋後冷血侵鬼火夜
深明羊曇清唱桓伊笛并入蕭蕭暮雨聲

將軍直欲挽天河自築孤城捍海波塞外天陰沉鼓
角墓門秋老挂藤蘿亦知死去君無恨曾向生前唱
挽歌往事千秋空灑淚英雄努力奈時何

弔二陸先生二首

列侯門第舊王孫況有才名海內尊孤鶴林臯寒月
白雙龍風雨大湖昏星懸寶劍司空淚雪壓高牙烈
士冤荒草牛羊夷墓道何人脩竹問平原

玄圃離離總夜光吳牋颯颯動寒芒採花涇上春遊
屐黃耳村邊校獵場金印光沉邊日紫繡旗秋捲海
沙黃雙留秀句香南國歲歲芙蓉谷水陽

夷光

無奈蛾眉絕世妍
君王初召百花前
西園燭冷羞珠翠
北渚花繁誤管絃
裊裊春紗自谿水
娟娟秋月又湖煙
野風日漸銷宮粉
應傍垂楊理釣船

要離

孱然膂力氣橫秋
壯士原將肝膽收
七首血痕侵暮雨
高墳俠骨枕寒流
虫麼三尺乾坤裏
雄槩千年姓字留
笑我鬚眉無乃似
不堪懷抱向君投

伍員

將軍已矣更何言
一劍蒼茫四海奔
生有黃金投瀨水
死乘白馬泣江魂
向來磊落恩讐盡
往事淒涼國史存
濁浪鳴夷知不恨
詎看回首葬荆門

范蠡

霸越摧吳蓋世雄
夢回都逐水煙空
朝提金印行邊塞
夕向滄波作釣翁
菱葉斜侵尊酒綠
荷花逢暎寶釵紅
越王臺上多絃管
不及湖頭白苧工

浣紗女

江中白石何磷磷
月明如見浣紗人
湖海茫茫識國

白梅集 卷之五
士片言草草便捐身
綦履珊瑚疑有淚
水綃霧縠清無塵
紅顏寧爲黃金死
不用投金瀨
水濱

讀楚漢春秋

四海揚塵血戰中
不知蠻觸定誰雄
中原手劈鴻溝斷
疋馬親從鳥道東
霸氣淒涼空蓋世
芒雲慘淡自歌風
閑呼濁酒看遺事
一嘯西山夕照紅

讀吳越春秋

興亾吳越總英靈
潮湧春沙海樹青
空壁銜枚宵度馬
大江伐鼓晝揚舲
金塘綠浦迷寒雨
玉管銀箏散曙星
南國香殘西子去
山人一枕夢初醒

讀高僧傳

白雲多在妙高峰
大乘寧分南北宗
定去香煙酣獨鶴
醒來清楚出雙松
欲棲西極靈巖雪
且聽東林慧遠鐘
心似頭陀猶有髮
了知水月本無踪

讀真誥

仙卿都水治華陽
親注瑤篇五色光
金簡時時朝上帝
玉清一一隸虛皇
瓊臺高宴笙簫集
古洞明霞日月長
塵土無由望霄漢
得如雞大白雲鄉

白梅集 卷之五 讀王子年拾遺記

王子才華一代懸著書直欲掩談天丹淵紫海心寥廓脯鳳烹龍事杳然未論玄珠窺象罔且看彩筆走雲煙千秋欲起司空問佳氣蒼茫在斗邊

讀高士傳

清齋無事讀遺編高韻泠泠體欲仙但覺風來林屋洞不知身在上皇年花香酒熟逢明月琴響山空入暗泉竹帛功名鐘鼎食浮雲回首卽茫然

朱竹

有引

莫廷韓寫朱竹表文學微之便面余未之識也廷韓曰宋元人多寫此竹亦有題咏因索余咏焉

帝子春蒐迷絳紗龍孫秋老醉丹砂斑斑清淚啼成血淡淡寒煙幻作霞向以孤標託松柏何來豔色妬桃花鳳凰欲下驚飛去惟殺琅玕換歲華

夏夜衙齋宴集張玄超莫廷韓諸君限韻

露下芙蓉月滿江當筵且不問爲邦水邊人語風吹斷樹杪星河夜欲降自喜璫枝常得竝卽如神劔理應雙願言永結丹霞侶共指蓬萊瞰石牕

讀皇甫司勳集却寄二首

嘯傲滄洲意自如
早年文彩欲傾都
雨深草色存三徑
簾捲秋聲入五湖
鶴唳天空聞爽籟
龍眠海冷抱明珠
眼前南國朱顏在
得似夷光老去無

一編匡坐白雲房
落盡蘭膏夜轉涼
花覆清池響山溜
鐘侵踈雨雜風篁
身依物外千秋了
名在人間片語香
慙媿孤桐今爨下
知音未敢望中郎

讀平蠻奇勲全錄寄荅曾大司空四首

金印光寒照鐵衣
陰符黃石佐兵機
旗衝夜色叢林度
馬踏空行閣道圍
益部聲驩瞻日月
蠻王面縛拜天威
轅門疊鼓連橫吹
一道風煙獻捷歸

密箐捫天峭壁崇
親提虎士躡層峰
乘空直擬神兵下
捲陣驚看殺氣濃
遂使邊人銷野哭
更教荒土徧春農
武侯仗鉞西征後
再見勲名勒峴鐘

親挽銀河洗甲兵
夜郎叩棘走先聲
廟堂此日資籌策
荒徼今來問姓名
千里封疆西塞濶
萬家煙火蜀都迎
異人總爲匡時出
衡嶽無雲江漢清

大司空位接三台
帝念功臣實楚材
望重長城塞

白梅集 卷之五 十一
外起時清寶劍匣中開雲霓應下西人淚星漢遙看
北斗迴聞道功成堪辟穀月明親見赤松來

和孟孺新秋感興一首

梧桐一葉下林臯冷露無聲河漢高候雁不曾來玉
塞秋光先已入金刀機中涕泪含千緒鏡裏流年感
二毛最是芙蓉宜水國淡煙疎雨逐輕舸

酬鄔汝翼見贈之作

婆娑吳越問前朝來往空江送落潮佳句全從僧舍
得雄心半向酒家消寒山到處容雙屐野艇無人挂

一默不爲西風傷歲暮亂雲歸去師金焦

送徐澤夫北上

未盡賢豪握手情詎堪今日送君行明珠價重傾南
國騶馬霜高近北平萬頃水雲春落照千山楓葉捲
秋聲五明宮樹華清月遙想王孫朝玉京

和王辰玉辛巳秋日直塘拜大師新觀感懷之作

紫殿新開野水流便教蘿月照瓊樓三千玉界霞光
滿十二雕欄海色浮夢去祇驚龍闕迥書來忽報鳳
車遊去年曾賜茱萸佩又是空山碧洞秋

和辰玉感大師樓前盆荷之作有引

大師樓居時其父炳喆道人以一盆荷貯樓前夏
月花盛開逮大師上昇之明年荷忽萎死辰玉見
而感焉賦七言近體二首要余屬和

鸞馭遙知上界逢荷花不作去年紅香銷玉砌蟲聲
亂露冷瓊簾月色空豈是淚枯青瑣閣定應魂傍棗
珠宮閒窺綠水含惆悵願託瑤天鳥使通

送陸君策遊西湖

青楓葉落大湖空萬頃秋雲雪浪重靈隱鐘聲沈暮
雨西冷月色度高松醉看鳧雁寒沙淨夢入芙蓉
露濃定拜如來天竺上何由杖鉢一相從

喜顧益卿擢參浙藩却寄二首

使君疋馬自南天東海鯉人入貢年座颯雄風生燕
額酒當明月照龍泉千峰獨嘯煙霞上八月揚帆雪
浪前父老如今高枕臥威明握節已臨邊

都門尊酒別蒼茫菟夢三年向夜郎此日輶車滄海
曲異時斗笠水雲鄉青霄肯負千秋約白石堪爲五
嶽糧知爾雄心消未得彎弓且欲挂扶桑

行脚僧

芒鞋踏破萬峰霞
汗漫浮生泛海槎
野店清霜寒錫杖
山橋斜月臥袈裟
饑來到處供香積
春盡逢人問歲華
解得法輪元不住
流沙西去更無家

倪使君聞報斲還會稽却寄

木落天空萬壑哀
主恩應許斲銜杯
家從秦望峰巒住
人自若邪煙雨回
鐘磬泠泠雲裏出
芙蓉杳杳鏡中開
更聞欲就西湖月
頓使鷗鳧入夢來

秋日登天馬山絕頂

把酒崔嵬散客情
寺門黃葉積來平
芒鞋夜踏空岩響
落日秋窺野水明
四壁藤蘿留半偈
萬家煙火帶孤城
不妨高嘯松風下
坐待蒼茫海月生

贈張谷吹先生二首

門臨千頃水雲寬
黃葉踈踈照籜冠
未老朱顏堪學道
愛閒黑髮早辭官
秋煙竹色侵書帶
夜雨空香送藥欄
幾度對君名利盡
高齋清絕夢應安

山山薜荔好裁衣
只有江鷗解息機
濁世浮名慙鹵莽
閒庭曉日愛熹微
圖書三徑真玄晏
風骨千秋似

武威安得共尋峰
卯去一簑披却野雲歸
寄荅張太史二首

伯仲卿家總不羣
殿香彩筆共氤氲
山風吹冷峨眉雪
海日初紅華頂雲
晉代雙龍尋寶氣
漢家三篋辨遺文
天空象緯遙相望
坐對芙蓉水國分
仙郎豈是石麒麟
香案前頭侍從臣
殿敞九光臨太乙
花明五色傍鈎陳
如聞寶瑟湘江上
欲解明珠漢水濱
千載建安須七子
獨憐王粲在風塵

贈龍司理

少年借問寶刀鏗
得似清朝玉筍斑
應有才名高
雪了無時俗妬朱顏
秋花冉冉開湘水
春竹青青暎楚山
好道更如王子晉
吹笙遙傍月明還

上瑤翁師相四首

海日蒼茫出世氛
東華妙氣屬靈文
司空解識雙龍劍
太史曾占五色雲
銀燭絳紗宮樹合
金箋綵筆殿香分
從知鳳沼恩波闊
一片丹心荅聖君

才名片玉早嶙峋
水碧空青物外珍
天上歲星知是朔
人間靈嶽又生申
朝憑玉笈窺東壁
夜傍金河拱

北辰共道相君調六氣如今四海盡陽春

四十三公霄漢間趨朝劔佩日珊珊身依禁闕絲綸

地名在清都侍從班元老聞添新白髮仙官不減舊

朱顏功成已入麒麟閣留取他年問九還

一從作吏向滄洲五見條風百草柔鴈去祇憐天關

迫鷗飛敢狎水雲秋驚心歲月紅塵老極目關河紫

氣浮但說雕蟲堪自媿無能拂拭舊吳鉤

送馮開之太史北上二首

朱絃好爲故人停三疊歌殘酒易醒津門數家依驛

路江猿兩岸送空舫無端野日荒荒下不盡湖天杳

杳青後夜相思何處是萬松明月隔西冷

三年採藥訪桐君忍別滄江鷗鷺羣豈謂金門堪大

隱祇緣玉牒重靈文河橋柳暗人初去山店花香夢

欲分甃入紅塵心不染宮衣猶帶五湖雲

北固山

目斷吳雲沙岸窮忽然水上出孤峰隔江晴見維陽

樹絕浦風迴建業鐘日照牙旗明島嶼天空疊鼓觸

魚龍捫崖手拄蒼藤杖石濺寒潮上古松

贈唐嗣宗

山色湖雲青黛濃碧天遙映九芙蓉自從劍化雙龍
去不羸瓊芝秀五茸看是黃流宜玉瓚朗如山月照
春松支公亦解憐神駿歎息孫陽向不逢

陸君策至自茅山却贈

惟得衣裳帶白雲自言句句曲禮茅君松邊清磬遙空
斷花裏名香靜夜聞五彩手揮銀不律雙函親啓玉
樞文採芝更汲南冷水江上歸來正夕曛

含桃

玉盤擎來自寢宮猶令嬌鳥窺牆東金粟斜穿瓔珞
紫蒼龍夜吐珊瑚紅丹霞洞冷光相妬絳蠟臺高照
欲空不用樊姬歌麗曲頽然一醉香山翁

懷徐茂吳

美人南國傷西湖勝具高情迥自孤入洞不煩明月
照捫崖時借白雲扶馬蹄踏去多芳草龍領探來總
夜珠欲就煙霞尋野鶴問君曾掃石牀無

招杜山人不至作詩調之

十年把臂驚何在一笑長林花雨飄丰采真成看霧

白梅集 卷之五
豹姓名終自耻陽喬蘇門氣盡聊相對石室煙深不
可招莫以風塵嘲大令猶堪與客賦逍遙

湘靈鼓瑟

抱瑟凌波寶髻斜仙衣片片是紅霞江深雲冷迷斑
竹月白天青映暮花忽駕飈車沉斷峽尚留靈響在
空沙參差我亦思公子爲語夷光正浣紗

黃鶴樓

王孫簫鼓之空舫日出登樓望洞庭隔竹萬家涵水
碧亂峰千樹插天青風搖石壁春蕭瑟氣薄魚龍晝

香冥極目佳人江漢上吟成楚曲不堪聽

黃陵廟

君山秋老白雲孤花暎黃陵啼鷓鴣黛色峰巒青不
斷月痕江水綠微鋪空行神霧丹綃濕曲度靈風寶
瑟無聞道九疑如罨畫年年芳草換靡蕪

巫山高

芙蓉萬朵疊峰文忽變陰晴蕩夕曛神女雙鬟迷暮
峽瀟湘半幅剪秋裙人如宋玉毫端賦衣染荆王臺
上雲千古楚才香杜若相思脉脉水云云

送陶比部懋中北上

天涯相見各躊躇
遷客蕭然意自如
暫向東山窺石鏡
謁來南國採煙蕪
燈前氣色高星漢
眼底波濤失太湖
恠道魚龍作風雨
袖中君有大秦珠

送王辰玉徐孟孺薄遊金陵二首

正好修真靜掩關
問君何事馬蹄間
花香九陌長干酒
雲氣諸陵建業山
秋入徐卿金箭冷
天高王子鳳笙閑
南朝宮觀西峰月
采得瑤芝滿袖還
冷風渺渺若空行
遙指南天片月明
雙樹煙蘿尋臥

佛六朝絲管問啼鶯
總多黃鵠凌霄氣
不淺丹崖出世情
此去經過勾曲下
華陽定遣鶴書迎

七言律詩二

送陸太僕北上

鶴姿龍性馬曹閒
吏散天空畫掩關
即使有官居九列
豈應無夢到三山
恍前明月嬌絲管
河上冷風吹佩環
極目蒼苔高樹裏
孤雲不斷鳥飛還

庚子八月廿五日

鏡湖來南國採煙蕪
太湖惟道魚龍作風雨
中君有大秦珠

送王辰玉徐孟禔游金陵二首

正好修真養掩關
問君何事馬蹄間
花香九陌長干

廿二日北去翠巖
曲下華陽宮
戲請書院

將六時絲管問帝
聖懸之黃黼
交霄屐不矣
丹三

白榆集卷之六

東海屋曰隆緯真著

七言律詩二

送陸太僕北上

鶴姿龍性馬曹閒
吏散天空晝掩關
即使有官居九
列豈應無夢到三山
帆前明月嬌絲管
江上冷風吹
珮環極目蒼茫高
樹裏孤雲不斷鳥
飛逐

寄曾司農

新年苦憶醉屠蘇
水抱孤城鴈鷺呼
竹院廚煙青列

岫蘭舟野吹隔通都使君瀟灑來三峽下吏從容狎
五湖一別相思難見面陽春花發比菖蒲

寄周允登文學

當時曾共臥煙霞一片青林帶白沙雲護香巖寒貝
葉江深春水漲桃花同袍握手心猶在異國銷魂鬢
欲華早晚歸來還傷汝五株楊柳半畦瓜

水仙

娟始湘洛淨如羅幻出芳魂儼素娥夜靜有人來鼓
瑟月明何物去凌波蕭疎冷豔水綃薄綽約風鬟露
氣多直是靈根堪度世妖容知不傷池荷

芍藥

鮮紅豔紫總芳菲更向風前動舞衣借問何年荐宮
寢却教人喚作花妃荔裝寶帶黃金束霞拂輕綃絳
蠟圍宛似玉環池上宴香車十里醉中歸

大士蓮

佛土莊嚴妙相通續紛法座寶花紅根來九品金沙
地香散諸天王界中泥濁故知心不染波澄照見色
還空六時那竝花開落惟有清池皓月同

羅漢松

何年蒼叟住禪林百尺婆娑萬壑陰因果總來成佛
印一官應不受秦侵靈根歲月跏趺久老榦風霜面
壁深謾謾回飈響空谷猶聞清夜海潮音

猿

劒術曾將通臂誇不爭五嶺與三巴天寒木落收山
果水暖沙晴嘯浦花長共幽人分石屋終知野性在
煙霞踈林賴爾增高韻一隊蒼山白日斜

水鳥

鷓鴣屬玉聊爲友紫葍青蒲可作房流浪豈知天地
闊生來只夢水雲鄉回風冷戲菱花亂淡月斜飛蓮
葉香自喜一官長傍汝移家還擬住滄浪

新鷺

初來閣外弄春暉上下花間試學飛小語未全調玉
管薄寒深自護金衣龍池萬柳栖應快紫殿千門見
總稀九十韶華愁易老啼殘紅藥綠陰肥

宮中白鸚鵡

皓質無塵縞素裳宮中曾號雪衣娘似從肥婢偷香

粉竊向梅妃學淡妝玉戶碧紗春掩映梨花寒月夜
微茫縱然誦得波羅蜜爭似閑飛隴樹長

宮中黃鸚鵡

一入雕籠奪翠裳羽毛新得染鵝黃銅池淺淡嬌明
月金屋瞳矓晃太陽語罷斜侵宮柳色朝回遙接袞
衣光佳人玉手親調處妬殺釵頭雙鳳凰

鴈字

塞上秋光鴈幾羣題書南去問湘君遙連細月銀鈎
淡斜界明霞綵筆分巫峽雲來增墨氣洞庭風起亂

回文征夫寄爾千行淚夢斷蘇卿漢嶺聞

七姊妹花

一種名花七樣妝羣姪同日嫁東皇大姨老去猶風
韻小妹生來欲擅場竝向綠牕牽綵線齊將紅袖勸
雕觴芳心豔態空相關秦虢香車委道傍

寄題李之文青蓮館

水上孤亭帶郭斜幽人日日夢煙霞東林淡月搖金
磬北渚靈風濯藕花時挾青蚨尋酒舍偶因黃葉坐
僧家歌殘客散天如洗一曲銅鍃入暮鴉

寄題文長朝曦閣

高閣朝曦遠黛明三山不動海波平捲簾飛鳥破秋
色欹枕寒濤入暮聲龍女曉沉衣袂冷江花遙映管
絃清津樓浦樹空回首曾踏金鰲背上行

王孫行爲吳茂倩

老去王孫富五車可堪雙足在風沙蝦蟇墓陵下金條
脫燕子樓中玉碎邪萬里乾坤容落拓十年煙雨憶
豪華多情多恨空銷歇試看青門五色瓜

寄余相國四首

新出黃麻拜相君謳歌父老萬方聞寒星曉映鵝頭
月碧瓦初低殿上雲紫氣雙龍纏北斗朱絃一曲應
南薰遠人敢望尚書履目極秋空雁幾羣

至人心本在煙霞偶領千官擁絳紗共道五雲開相
麻終然三島是君家朝行東閣看宮樹夜夢西湖映
浦花自是餐梨堪辟穀更聞海上棗如瓜

赤山雷電破氤氳上帝曾煩太乙神不獨雄風吹鑄
劍懸知靈嶽又生申誤看天女三千隊來作紗籠第
一人日侍東華分妙氣手提北斗散陽春

江上秋風蕙草殘可能歸去把漁竿天吳夜出驚津
吏龍女宵啼媿灌壇入口無多甘薄祿二毛猶不礙
微官故人爲相真堪喜日月高臨滄海寬

元美先生偶出過青谿余拏舟相見城下竟夕

嗒然別去明旦以二詩見詒率爾寄荅

九月湖清霜露繁布衣相對總無言煙鳧已入沙邊
夢漁火歸聞浦口喧父老三朝驚紫氣候人十里掃
關門馬頭無那黃塵色安得逍遙似漆園

豫章朱可大大理出宰語谿寄訊一首時不通

聞問五稔矣

江湖莽蕩不相逢嘯入香爐第幾峰疎磬斜陽宜竹
院橫琴素月且花封鷓鴣將野色來官舍鶴帶寒雲上
古松霜落語谿秋水碧天教才子看芙蓉

百穀先生拏舟載酒追送征夫毘陵道上臨別

感動爲賦此篇

銀燭疎星夜色繁樓船疊鼓響寒原欲行坐惜帆前
月未去先銷馬上魂此日提壺逢出祖向來注水只
當門蕭蕭老樹雲陽道臨別踟躕不忍言

再登仙師樓居觀諸靈蹟是師修道處

樓上遺有龕劍

諸法器盆荷自師化後不復著花師所鑿井水甚列

鶴背人歸小有天天風吹不散爐煙龕留南嶽上清
劍書寄雲華長史篇無復玉荷開豔榮尚遺金井汲
靈泉登臨不異蓬萊閣夜宿朱闌挂斗邊

寄題五嶽 有引

余少有五嶽之志不幸牽于世網並未得遊萬曆
壬午以計吏北上途中偶爾興懷寄託五首

中嶽

高柱剡天白日停千峰迴合晝冥冥鳳乘秋月笙俱
冷虎嘯空巖殿不局一夕風雷松壑徙九年霜雪石
花青竦身欲挂藤蘿外夜聽金臺玉笥經

東嶽

山驚石裂御屏開知是元君控鶴來臺殿直愁天路
杳松杉寒借海潮迴上方虛灑千峰月下界濃陰萬
壑雷七十二君呼不起白雲秋冷暮鐘哀

南嶽

開山帝命祝融神七十二峰朝玉晨入夜笙簫過半

嶺何年鸞鶴會羣真題十日無奈玄夷去結屋還爲紫
蓋隣我亦冥心求至道臨風涕泣魏夫人

西嶽

鉅靈一去不曾還神物當年摩二山秋色芙蓉開浩
蕩河聲日月走潺湲金天瑟瑟多風露玉女蕭蕭下
珮環何事秦皇汎東海青牛紫氣自函關

北嶽

嵯峩北嶽插天門山氣高寒不可捫千嶂暑寧銷積
雪萬松雲不散朝暎朱宮縹緲爐香細絳節參差嶽

帝尊欲駕罡風凌絕頂羣靈稽首問真言

中途雨雪懷開之太史四首

步兵美酒大官糜近與何人共玉卮金馬直班青漢
上石門稍冷白雲期笙歌萬騎宮車過鈴索千花殿
影移借問虎跑僧寺水出山何似在山時

萬松斜日挂踈藤誰踏煙霞第一層不忍便辭龍樹
佛可能還憶虎谿僧心如廬阜千秋鏡官比峨眉六
月冰聞道明光起草罷焚香長坐榻前燈

玉笛金尊記昔遊浪花千丈太湖舟雲霄一出依丹

白梅集 卷之六 八
鳳煙水應難老白鷗高館秘書星漢夜微鐘碧樹禁
城秋請言爲客蕭疎事月照銀鞍雪滿頭
端明玉帶是前因知道蓮花火裏新山雪正宜叩竹
杖馬蹄不稱華陽巾相思太史青藜閣欲叩如來金
粟身好買名香添茗椀爲余先報管夫人

懷陳伯符

城烏飛下啄寒沙雪壓南徐十萬家忽憶仙郎在霄
漢向來結客滿京華彩毫五色春裁賦絃管諸生暮
散衙官薄名高知不恨故人今日踏冰花

懷沈箕仲

四十爲郎若不聞可曾圍帶減休文偶來握節臨蒼
水依舊間曹臥白雲萬里西風今日淚一尊南浦去
年分青山獨走柴門雪濁酒寒燈夜夢君

懷余君房

千峰欲踏馬蹄穿三五人家生暮煙牛帶夕陽歸斷
隄鴈衝殘雪下平田好呼濁酒尋茅舍不奈西風欺
水綿苦憶故人余水部檢書燒燭地爐邊

淮南道中懷瞿孟堅

思君寒月正揚舲天闊波濤響洞庭寶劍西風生颯
爽彩毫南國借娉婷高原立馬孤雲去野館無人片
月停垂老悲歡燕市酒輸君年少賦湘靈

干將舞罷叩哀絃為汝揚眉霜月前峽雨巫雲神女
賦瀟湘夢澤楚王田不分鳥雁行寒夜定有魚龍入
大篇已備金尊待銀燭暫令天地隔風煙

懷故人瞿睿夫聞其令子得雋楚中兼為識喜
獄書成四壁空馬蹄終日走枯蓬魚腸夜氣沉銀
虎七首寒光灰白虹老去祗傷和氏璧得來仍是楚

人弓胸中五嶽知無恙弱水西頭滄海東

彭城遇姜仲文使君

逆旅彭城呼濁醪忽驚窮巷有旌旄片言遇合如神
劍千里躊躇解佩刀寒月繁霜宜桂酒華堂清吹雜
蘭膏雞鳴勒馬人難住腸斷黃河水雪高

哭張大

張大孺穀司馬公伯子也少有高才依
骨晚乃逃禪風韻方疎泉臺遠掩哀哉
僕義存通家
歌以當哭

少乎公子太豪華結客曾過朱亥家萬里雙鞬燕市
酒千金一曲杜陵花寶刀折去心俱死俠氣銷來鬢

白梅集 卷之六
已華猶恨英雄回首晚蓮臺西去隔恒沙

雲間董逸少祝髮爲僧以詩慰之

逸少雲間名士爲宗人所

陷禡其衣冠盡斂其產後余爲白其寃無何宗人之釋憾不已逸少乃祝髮馬首寺爲沙門余悲其志而復喜其勇猛也作詩慰之

一踏空門萬事非西方天竺好皈依向來恩怨俱流水老去生涯止衲衣皓月殘經松影入寒霜清磬燭花微丈夫勝力關調御滅盡嗔心始息機

懷莫廷韓留滯燕京

一自王孫遊上都天寒雨雪老靡蕪馬分南北朝朝

望劍失雌雄夜夜呼塞上詎堪聞感築壚頭應不乏
醍醐風雲慘澹三千字還取君家舊五湖

懷沈肩吾太史

遠人迢迢望煙霄太乙青藜夜火搖馬踏沙河水欲
裂雞鳴茅店雪初銷風雲氣盡何言少叢桂情深不
用招辛苦看山雙足健肯因爲令失逍遙

金陵八詠

石頭城

讀罷名都佳麗篇日華風色尚娟娟內人一工牋

白梅集 卷之六
記外宅朝朝奏管絃芳草六朝龍輦跡高城九陌馬
蹄煙吳歌商女君休聽傍得秦淮酒肆邊

桃葉渡

大江春日不生波遊鯉嘉魴蘸綠蘿細雨鏡花君不
渡好風桃葉奈愁何朝臨綺閣龍綃冷夜弄朱顏水
調多楊柳如煙籠月色歡來有酒待儂歌

雨花臺

高僧說法指恒河零亂香花入座多僧去臺荒鐘帶
雨天空地冷佛生蘿數峰又復斜陽盡千載其如浩

劫何悟到真如諸相滅西來不必問曼陀

燕子磯

峭壁懸崖石勢奔魚龍不動大波渾煙銷落日開天
斬浪捲孤峰插海門楓葉下來秋水澁蘆花深處夜
漁喧橫波神女杳然去月白沙清欲斷魂

秦淮水

月映秦淮萬戶煙自吹長笛攪龍眠微霜野寺聞鐘
磬落日人家泛管絃酒舍誰開魚網下官帆遙出女
牆邊洗殘香粉空流恨潮去潮來是昔年

莫愁湖

盧家粉黛已荒丘此地湖仍喚莫愁蓮葉香來紈扇
夜菱花清照木蘭秋珠燧石氏猶存并燕去張家尚
有樓自是生情亦生恨祇將煙月醉湖頭

蝦蟇陵

彩毫金粉各成行南國風流總擅場芍藥朱欄浮夜
月芙蓉水閣暎初陽客來簾外題宮扇馬到花間踏
殿香今日淒涼陵下路霜高平野散牛羊

烏衣巷

朱門大第屬飛霞巷口今經第幾家陵墓壇前生野
蔓秦淮浪裏漲寒沙當時去矣梁間燕春日來銜陌
上花一自駸駸龍騎北六宮高樹暮棲鴉

贈邢子愿侍御二首

才子乘驄侍玉皇紅雲紫霧照仙郎青山面帶煙霞
色白簡身依日月光霜落城烏三殿曙花黏宮燕六
街香彩毫更濯銀河水夜傍天孫賦七襄

風期蕭灑佐清歡銀燭高齋卜夜闌欲罄厨中桑落
酒不知頭上惠文冠君將氣色看龍劔我自泥沙問

白梅集 卷之六 十一
馬鞍此日千秋肝膽在他年萬頃水雲寬

贈陳玉叔先生二首

美人南國氣翩翩
絲筆才名四十年
風雨雙鬟龍女
牧虹霓千騎楚王田
香生蘭葉春裁賦
月映江花夜
散筵五嶽胸中真不減
官衙長掃白雲眠

使君高調復高情
片語堪當十五城
雲夢雕胡香飯
冷洞庭青雀大波平
黃金半爲窮交盡
白髮那因作
吏立握手相看忘
罄折不慙燕市酒人名

春夜同陳玉叔莫廷韓傅伯俊邢子愿胡元瑞

集朱汝修齋中

同心能得幾回論
肯惜天涯盡此尊
高詠直侵紅燭
冷幽居長有白雲屯
玉河星轉海疑曙
金析霜沉夜
不喧乍可對君清
颯颯別來竟夢在丘樊

燕市逢胡元瑞

獨占江湖理釣船
水雲千頃浪花鮮
相思瑤樹迷丹
嶂長嘯金華入紫煙
寶劍論心千載上
踈燈照影一
尊前何年同訪牧
羊子門掩松蘿洞裏眠

同傅伯俊夜宿開之綺雲館

白梅集 卷之六 十四
門前不住馬蹄沙雲白天青太史家霜入微鐘人語
細風迴空館燭光斜夜寒乞火分茶竈日出呼童掃
雪花名理罷來無一事焚香盥手讀楞伽

贈郭汾源武選

住事閑憑濁酒論風霜飽盡壯心存幾吹鐵篋驚龍
子曾枕銅焦臥鴈門黃石豈能銷鬢髮紫泥終許濯
崑崙相期好在煙蘿外莫謂逍遙亦寓言

壽沈太母七十詩

鳳笙龍笛氣吹霞虎綬盤囊阿母家湖上白雲調曲
冷尊前紅燭出簾斜送來玉洞千春釀曾啖瑤池五
色瓜聞道西王占女籍相將雞犬問桃花

訪劉仲修觀察

靈巖日觀白雲房垂老移家傍帝鄉秋色晚披金掌
露漏聲寒應玉河霜澆花看竹春長醉擊筑彈碁夜
未央香滿大街塵似海可能無夢到滄浪

贈陳廣野給諫二首

天子宵衣百辟臨綵毫應得傍華簪星迴北斗低朱
戶氣轉南薰入鼓琴垂柳馬侵馳道綠名花鶯語掖

白梅集 卷之六 十五
垣深清歡一借西山月共說煙蘿象外心

僊人姑射立明光年少才名拜夕郎綠酒松花朝侍
燕紅鐙蘭葉夜薰香閣中星斗書千卷塞上風雷詔
十行休沐更聞多勝事山空雲物冷衣裳

同張助甫陳玉叔余君房萬伯修傅伯俊梅客
生莫廷韓黃定甫朱汝修集盛泰甫山人宅
得魚字時山人奉母東歸

冠蓋如雲送隱居馬頭明月篋中書十年燕市金應
盡一夕吳歌酒不虛楊柳條風飛野雉桃花春水上

江魚故山猿鶴迎人處碧洞丹霞好結廬

贈朱汝修

落日紅塵撲馬鞍天教玄度得追歡尊前萬里能無
淚眼底千秋薄有官歲月祇驚燕市老水雲終許太
湖寬定交杵曰肝腸在慘澹黃河去住難

贈羅敬叔

有客高懸明月孤白雲大叫踏匡廬曾依惠遠聞鐘
磬更傍荆卿卧酒壚馬磧流星馳玉劔龍池萬柳拂
金鋪與君相約鴻冥去水滿桃花作釣徒

無題四首

月照重門啼暮鴉
蝦蟆墓陵口是卿家
豈無秀句驚文苑
奈可雕車傍狹斜
絃管夜聲迴急雪
糜蒸春色帶平沙
一江桃葉真堪渡
落日微風生浪花

任俠逢人說寶刀
校書長自續蘭膏
樓前雁度關河黑
城上烏棲星漢高
羅襪香寒嬌洛浦
綵雲天遠沒江臯
白楊紅粉西陵暮
恨不吹笙向碧桃

誤謫風塵二十年
紅雲隊裏掌書僊
偶題紈扇人爭寶
自賦長門不用錢
殿脚芙蓉踈暮雨
宮腰楊柳入

寒煙春來雙鯉無消息
愁絕秦淮古渡邊

不將綵筆畫雙眉
慣寫雲牋十幅詩
龍女妬他珠上淚
天孫偷得錦中絲
六朝廢苑香俱滅
三峽荒臺夢亦癡
儻悟無生空妙相
蓮花何必在清池

出京寄殷無美

無美昔年嘗一見過清夜篝燈疑語歡甚此後音問遂寥然比

入都門各溷塵事竟不成握手臨發留此寄之

百花春借杜陵衣
一夕清歡三載違
自是綵雲難得見
終知黃鵠愛高飛
小姬壓酒樓中臥
細馬馱笙月下歸
此日長安容任俠
垂楊何處不依依

白梅集 卷之六
送表微之遊嵩少

蕭然一騎犯風沙東去名山子晉家白日有人乘野
鶴青天無路入桃花流泉百道鐘聲冷風磴千盤殿
影斜後夜思君竟縹緲好從絕頂寄煙霞

寄李季宣

未成握手恨飛翻寶馬曾經一到門神物合來應有
數征夫欲去黯無言高樓紫陌遊絲暖大艫黃河細
浪喧不接聲音能望氣定依芳草夢王孫

寄鄒進士爾瞻二首

將河阻絕野猿啼澤國荒涼鳧雁悲疊鼓秋高霜不
到瘴煙夜黑月來遲不愁錦字千行斷但聽鳴機雙
淚垂蠻女採花童子唱日斜間過竹王祠

十里親朋送遠行孤身一劍馬蹄輕介推母在應難
歿萊氏妻賢好共耕海氣觸人蠻部暖嶺花鋪野戍
雲平但留七尺邊垂下且莫揚眉說請纓

燕齊道中贈傅伯俊四首

荒荒鉅野話情深落日風沙海岱陰許碣定遭王母
譴東方聊作歲星臨人間只詫雙龍合世外誰知五

嶽心斲去滄江治雲水不妨花裏出鳴琴

湖雨湖風侵縣衙蘭橈長得泛蕪葭絃歌不廢十千
酒煙火仍連三百家聞道鬱林惟片石恠來王氏有
丹砂宰官自愛澄潭月照見空濛鏡裏花

油碧輕車並馬行少年場裏舊知名天寒岱嶽風雷
盡雪滿黃河波浪平官舍客來春甕綠雲堂僧散夜
鐘清異人手握靈蛇去一往倏然入化城

對君猶恨識君遲野鶴孤雲無住時後果終成裴相
國前身應是永禪師但存一片冰心在安用千秋俠

氣爲欲折佩刀焚綵筆雙棲皓月古松枝

東郡隆興寺贈覺蓮禪師

蓮葉蓮花淨碧漪香生香滅是禪機自將明月添松
火閒剪秋空補衲衣猿過講堂山果落經殘佛閣野
雲飛虎谿谿上鐘聲午流水潺潺送客歸

白閣燕集贈狄明叔將軍

解印歸來尚黑頭鶡冠野服臥菟裘嬾將大石磨金
劍賸有閑田放紫騮竹樹微風含曲檻花枝斜日墮
空樓相期好結洪厓伴碧浪三山海外遊

寄輓程思玄太學
少年文采照詞林神理寧歸
氣韻沉荒土千秋埋玉

樹廣陵一曲罷瑶琴
芸留壁蠹香初歇羽折原鴿恨
轉深康樂近來應寂寞
西堂夢破草蕭森

白榆集卷之六終

白榆集卷之七

東海屠隆緯著

七言律詩

長安卽事四首

五侯七貴退朝回
繡箔珠簾大第開
身後豈能迷日月

手中空自挾風雷
龍章盡奪平沙冷
馬鬣無聲蔓草堆

不放秦宮花底活
西園零落總堪哀

青娥皓齒貢流蘇
白壁黃金轉轆轤
墮馬樓前梁冀

宅當壚簾裏霍家奴
衮衣窄袖花千樹
銀甲哀箏酒

百壺運去悲來煙草綠墓門啼殺後棲鳥

星散花飛奈若何浮雲黯靄問江河宵衣叩閣聽銀

漏曉日揚鞭振玉珂小苑芙蓉通御氣大池楊柳借

恩波夕陽笑破邯鄲夢得似山中住薜蘿

鳳輦朝隨御路長龍池夜宿禁煙蒼紅雲閃爍傳天

語白日氤氳起電光花燭千金駙馬第綵衣十隊侍

中郎胡椒鐘乳今何處好去閑門看夕陽

任城覽眺

二月任城花氣寒登高載酒一憑欄汀洲送目雲帆

亂隴阪驅車雪色殘商女春衣飄錦帶王孫夜獵豔

銀鞍多情太白樓前月照入金尊萬頃寬

淮徐感興

望國懷鄉感路岐征夫兩髻欲成絲江南水闊魚鱉

至淮北春寒花較遲斷磧馬蹄冰裂後平林鶯語

斜時金書玉札無消息碧海青天有夢思

奉懷母夫人

昔別長途雨雪飛今來楊柳正依依天邊自喜入南

去江上初迎雁北歸淚與春波窺素髮夢隨殘月

白梅集 卷之十
鳴機舉杯明日花前劇笑摘櫻桃媚舞衣

代內見懷

馬頭明月劔頭塵雁度關河獨愴神惜別艱難因雨
雪斷腸容易是陽春夢回芳草渾迷路欲寄寒衣怕
倩人小吏封侯消息遠年年雙睫在車輪

懷李之文之芳吳昌齡文長伯英諸子

遊子欲從冰雪老故人占斷水雲秋高歌明月邀青
雀緩坐輕沙帶白鷗僧舍竹邊聞謝豹女郎花裏出
箜篌年來生事真堪妬只把三江傲五侯

懷嘉則賓父伯翼長文田叔仲初鄭朗諸君

相思公子住巖阿歲歲衣裳剪薜蘿水濺山花春屐
冷僧歸湖雨暮鐘多犬能愛客沿谿送猿不驚人帶
月過詎用移文心自媿雲青沙白奈君何

懷元美元馭敬美三先生

王家珠樹羨雙棲蘿薜門深斷馬蹄已向竺乾修淨
業更因莊叟見天倪書殘貝葉雲生牖種得胡麻水
滿谿到日只愁雞犬去千巖萬壑使人迷

懷王辰王道兄

昔與王喬理鳳笙露華明月傍瑤京
蕊珠經罷天初朗沈水香銷夜轉清
白雪似侵姑射色紅霞忽送步虛聲
許家玉斧丹陽第早晚看君鶴背行

懷王百穀陸伯生彭欽之徐孟孺郁孟野沈孟

嘉曹重甫諸宜甫諸子

離亭相送各沾膺伐木歌成恨不勝
萬里飄零官舍酒寸心愁絕濁河水
烏啼霜落吳王劍馬去天空大帝陵
到日桃花應滿縣碧山無恙五湖澄

鄒爾瞻自戍所賜環喜劇賦此

孤臣迢遞去投荒萬死漂零戍夜郎
雲黑蠻童過小隊天青山鬼借陰房
三年瘴癘那聞雁十月邊垂不下霜
今日一尊堪慟哭鐵衣無恙見君王

同姜仲文使君登子瞻黃樓矚眺

馬壁沉河蜃氣平蒼煙石碣暮濤聲
坐來空閣搖星漢歌入滄浪採杜蘅
鶴去樓青簾半捲城高水白月孤明
竝將綵筆酬千古送盡飛鴻酒未傾

贈陸無從

才子無官名轉高知君自愛廣陵濤
石壇松桂邀碁

白梅集 卷之七
局水殿芙蓉借綵毫月上江干時蕩槳客來花裏坐
焚膏平生國士看能幾不惜臨分解佩刀

題柴仲初芳草齋

幽人野性狎鷗羣更欲攜家就白雲江穩浪痕推月
出林深鳥語隔花聞開門延客犬初吠選石哦詩日
又曛經罷香殘無一事題書遙寄華陽君

贈張念華侍御

理輪直氣總回天攬轡全清海岱煙調入雲門高九
奏星垂龍劔迥雙懸秦餘遍踏桃花路禹穴深探宛

委編國士千秋堪雪涕心慙七首報恩年

贈張肖甫司馬四首

日出煙銷海岱平簡書司馬得專征雙龍似挾星辰
下萬騎長驅風雨行南國文章通蜃氣西湖歌吹斷
邊聲題詩每借花間石小隊駸駸絳蠟明

銅梁玉壘氣崔嵬金簡玄夷立馬來畫角登城擊河
漢樓船泛海度蓬萊雄篇直與之罘壯片石真同峴
首哀聞道採芝長獨往桃花萬樹入天台

黃石英雄白兔姿凌雲文采伏波師江空疊鼓驚長

白梅集 卷之七
遂雪滿營門捲大旗羽扇綸巾天浩蕩花箋斗酒墨
淋漓萬夫馬首來羅拜獨夜光芒鵲印垂

上相行邊風雨從旌旗落日遶千峰清江皓月開三
秀滄海洪波壓五松帳下偏裨閑射虎尊前詞客競
雕龍山川靈氣歸真宰總識丹霞世外容

訪王玄靜

是雅宜先生子余家族子為閩臬叅
軍為倭奴所得要千金贖還時王君
以幕僚間關萬死乞哀當事
諸公族子賴以生還

王君灑落名賢後高誼千秋白日懸傑閣平臨滄海
月空船長繫太湖煙映門修竹疑初地夾岼桃花闕

洞天載酒偶來同小阮醉時聊借石牀眠

贈馬水部

使君為吏自僊僊彩筆縱橫大曆年水國秋雲生劔
首星橋明月落帆前天寒十丈峨眉雪香積孤峰太
華蓮三載差池勞夢寐相將携手洞庭煙

張肖甫司馬招飲三茅觀絕頂是夜遂宿觀中

山當涼月酒全消步入流霞路轉逢有鳥隔花窺絳
蠟何人暎竹坐瑤簫海潮初過暮渚出風雨忽來秋
殿搖更傍真人分紫氣一官吾已夢冥寥

鄒爾瞻自戍所召拜省郎識喜二首

帝念忠良補衮材拜恩新自夜郎回星搖列炬鳴珂
集霧散爐香大殿開路斷炎荒迴日月天高嶽瀆走
風雷知君更有消搖意馬首西山暮色來

黃沙自分老窮荒青瑣那知拜夕郎
竟夢未能離野戍恩波應已泣蠻王
鐘聲浮動三秋月花氣淒清五
夜霜正值垂衣歌有道更兼鳴鳳滿朝陽

傅侍御自海上戍所召還臺中作

傅君居戍所
十年還朝鬢

髮盡

白

朝看水恠夜山魍遷客魚龍伴寂寥蓬鬢雙侵窮島
雪鐵衣獸卧海門潮偶逢僊吏譚瑤草夢與神人度
石橋十載漂零惟一劔主恩垂老賜還朝
淒涼銅雀墓門空浩蕩金雞絕塞通憲府已多新白
簡都人猶識舊花驄五更風露衣痕冷雙闕星河燭
影紅萬里脫衣旋草疏清霜皦日照孤忠

吳太史召還作

曾飛片紙叫重閣歸老丘樊道自尊坐占水雲三萬
頃間繙石室五千言經年不作華清夢此日重登金

馬門烈士風霜知自保鮮衣楚楚佩芳蓀

送劉惟衡給諫之留都

青瑣僊郎在赤霄 主恩南去不為遙
蟠龍山勢廻 三殿飲馬江流問
六朝綵筆千秋借雲氣皂囊一路
采歌謠送君無恨臨河意落木清霜映板橋

送兵科給諫鍾道復年兄之金陵

一紙封章動百蠻拜恩東去列鸞班
天青霜磬南朝寺石長寒松北固
山七校旌旗屯大澤九河樓櫓踞
雄關重臣坐壓咽喉地兼理蘭舟煙雨間

陳思進拜吏科給諫却贈

冰綠霞紅殿閣涼爭傳才子入明光
雕鞍廣陌花無數銀燭香爐夜未央
楊柳千行裁鳳詔芙蓉十丈駕虹梁
會看同列朝班者萬里孤臣自夜郎

時鄒爾瞻自貴竹戍所賜環與君同拜

題陸敬承太史芸香館二首

館在長安街與宮闕相對

紫殿何妨白屋貧星河獨夜宿勾陳
斜簾半捲秋空鴈冷露全清御道塵
玉版金裝知大史踈籬野菊是幽人
暫時簪筆勞供奉早晚松蘿許結隣

寂寥真稱子雲居咫尺風塵隔玉除殿上鑪香分縹
緲簾前宮樹借扶踈花開犬吠朝廷客燭冷烏樓夜
校書最愛月高斜日晚紅霞散盡碧天虛

和王恒叔登玩花臺故息夫人臨妝處

土蝕臺荒露草根春來黃蝶滿西園新宮歌舞花前
宴故國山河夢裏魂風暖五雲籠繡箔日斜雙燕語
重門年年抱得藤蕪恨不使君王見淚痕

贈林景徵侍御

直廬三載厭承明驄馬千花輦路迎雁度秋河宮樹

綠烏啼古柏殿雲平天津霜落旌旗遠淮甸風高鼓
角清不獨袖中多諫草雄文往往是西京

聖駕幸天壽山恭述

千峰佳氣鬱籠葱地爽天高卜壽宮皇眷褭鳳笙傳大
殿駿駿龍馬踏遙空風雲騎士三河少日月旌旗六
郡雄絕勝周王金母宴山花齊拱御筵紅

聖駕幸老君堂僊人洞恭述

巨石中開御道平瓊瓏玉洞水霞明藤蘿偏映宮
衣色松桂俱含天樂聲絳闕星河扶輦下白雲僊仗

白梅集 卷之七
隔花迎蒲萄綠酒雕胡飯月出瑤臺夜轉清

北上彭城別姜仲文二首

征夫直似老風沙
蹙解銀鞍問酒家
惜別空令悲往日
相逢不住是流霞
忽驚月出東林白
但恨天低北斗斜
好買雙舸分水國
一竿長得共蒹葭

荒城濁酒送斜陽
數起門前指鴈行
木葉時時作風雨
星河夜夜在衣裳
坐深熠燿初驚扇
秋冷莎雞半入牀
何物最能關別恨
野橋殘月照清霜

送徐華陽方伯入朝東還道經宣城因憶故君

典太史

方伯及余俱與太史有葭葦之好

五雲雙闕下
崔嵬客路論
心濁酒杯殿
閣西來接星漢
海天東去近
蓬萊金鞍細
雨霓旌濕
鐵笛青煙盡
舫開定過陵陽
尋斤石故人丘壠
白楊哀

送袁文毅左遷滄州別駕

滄州好去采芙蓉
繞郭流波泛短舸
無那流言成市虎
轉看浮世薄雕龍
香清雲冷官衙暮
樓暝花繁水氣濃
豈謂謫居妨嘯傲
高齋盡日坐寒松

贈范國士侍御

僊郎曾出理煙霞山縣鳴琴日欲斜種木采苓俱政
事青羊白鹿見官衙冰心暫領西臺節天漢還乘北
斗槎好踏香爐峰頂去與君石上臥松花

送吳山人遊泰山

匹馬長安落葉分手提竹杖謁元君天門頂上騎黃
鵠日觀峰頭擊白雲鐵笛剛風吹不斷香爐寶殿夜
猶焚采芝僮憶同心侶好寄丹霞綠字文

贈朱文臣吏部

同時作吏五湖邊只隔疎林一帶煙粉署雞香行複

道青絲馬首映連錢簾前日落西山出城上烏啼北
斗懸玉樹兼葭真忝竊檢書焚燭自清緣

奉送大宗伯徐公致政歸三吳四首

建禮秋高宿未央曾將綵筆事先皇孤臣江漢憐

漂泊七首虹霓自慨懷萬里總看凋鬢髮三朝誰識
飽風霜天寒歸去河水合督亢亭前落葉黃

神驥風稜烈士心而今始得脫華簪履聲漸與星辰
遠馬跡應知雲霧深古殿疎鐘林屋曉逢天落日太
湖陰他年使者詢黃髮好向蒼厓頂上尋

白梅集 卷之七
向曉登車冰雪殘城頭北斗尚闌干山川濟勝身猶
健鷗鷺尋盟夢始安飛瀑濺花茶竈濕冷風吹戶石
牀寒翛然獨領煙霞去種得名園竹萬竿
老從 天子乞閒身面作桃花鬢似銀三殿鐘聲初
送客五湖月色已邀人林深小雨青芝長門掩清谿
白石憐孤劍自傷知己去風雷何日合延津

賦得西望瑤池降王母得瑤字

親遣青童鶴駕邀西來金母阿環朝龍紋珠履蒼煙
濕虎帶顰囊赤電搖半嶺剛風送簫管一天涼月浸
琉璃僊郎手進雕胡飯千歲嶠州雪未消

送徐孺旭還吳

王孫征馬倦風煙暫向東吳問秫田送客寒天遠海
雁遲人春水洞庭船醉逢王績花前酒歸及緱山鶴
上倦我亦曾眠林屋洞因君回首一悽然

寄郁孟野

薊門沙白捲枯蓬風急霜高吹斷鴻鄭氏無能棲谷
口幼安豈願客遼東踈燈茅屋鳴寒雨短褐關河逗
遠空早晚垂鞭動西笑馬頭天矯掛青虹

雪夜集徐文卿宅

雪滿燕山照玉京
琴邊初聽落梅聲
暫違麋鹿丘中
賞終是煙霞物
外情長嘯不知雙
闕迴片言俱帶五
湖清
花暝斗斜銀燭換
坐深凍雀下層城

寄胡從治開府二首

關門西指控幽燕
路斷當年飲馬泉
醉倚筇篻供坐
嘯親隨刁斗出行
邊龍堆慘澹千旗
雪雞肋驍尋萬
騎煙掃盡胡塵
天地朗射鵬還擬
過祈連

縛虎雕龍氣總豪
雙鞬列校擁千旄
按歌玉板填都
護立馬銀鞍試綵
毫風勁天寒霜隼
疾草枯日落塞
鴻高么麼豈有英
雄骨慙媿心知解
佩刀

寄梅客生明府

長安十載酒人傍
綵筆生花劍吐光
地迴霜高飲馬
窟天寒日落鬪雞
場兩都奏賦稱才
子三輔鳴琴自
帝鄉
總恠神君朝月朔
雙鳧咫尺得迴翔

雙林卽事

生事年年逐馬蹄
禪房何日借幽棲
雲深洞犬當花
暝香護林猿映竹
啼乞食僧歸殘雨
外窺簾月在暮

鐘西了然心似空潭水萬壑千峰宿虎谿

寄呂使君二首

才如洗馬暢玄風官是宣城列郡雄
南國採桑千騎外西園飛蓋百花中
窗臨瀑水僊巖映月上寒松官舍空
幾向丹霞見顏色陵陽歌吹送歸鴻

清風朗月倚參差紅藥青苔識履綦
開筵不妨流水至焚香長與白雲期
人如子晉霞衣薄書寄華陽鶴使遲
亦有瓊花雜瑤草僊郎無那隔山陂

都下贈洪孝先山人

君是洪崖第幾孫自將雞犬住花源
孤雲抱石藤蘿暝涼月含風松桂繁
何事馬蹄行紫陌定應蓬累視朱門
碧桃落盡鸞啼歇閒殺空山洗藥盆

贈鄒舍人孚如

年少金門可陸沉形骸落穆氣蕭森
胸吞夢澤魚龍舞家住瀟湘煙雨深
繾綣直須桑下語風流自賞篋中琴
他年好共棲南嶽滿地松杉落日陰

送范屏麓大司成還吳興

春城花色照行衣白馬驂驪落日微
天路終難借龍

性野人應不妬漁磯雙谿綠雨飛青雀片石丹霞掩
玉扉手拍洪崖看六博香風蒲路采芝歸

送喬曹長備兵井陘三首

熊耳峰前牙帳明使君千騎出幽并風高鉅鹿宵弓
勁雪盡滹沱春水平金劔雙龍吹斗氣銅焦七校起
邊聲白猿黃石英雄畧坐使天驕避姓名

新提虎竹散朝班夾岍桃花黑水灣獵火如城連上
黨大旗捲雪照陰山射鵬弓響單丁遁飲馬泉枯將
士閒此日垂楊牽別恨太行西去日人陽關

粉署含香已有年黃金橫帶出行邊平沙莽莽胡天
盡野日高高漢壘懸白馬夜屯驃騎帳朱旗曉散礪
鶉煙丈夫久抱鷹揚氣好取長繩縛左賢

輓馬鐘陽大司徒先生

落落三朝舊典刑可堪河嶽走英靈山空土冷埋雄
劔風急天高隕大星煉藥爐煙秋裊裊藏書峽雨晝
冥冥神遊八極何時返髣髴牙旗捲幔亭

贈劉衛尉

呼鷹臺下見雄姿雷電縱橫說劍時座上兩都梁苑

白梅集 卷之七 十五
客門前六郡羽林兒
雕牕夜醉西園酒
綵筆親裁南國詩
最是秋風雲夢獵
桃花寶馬汗淋漓

贈沈純父符卿四首

憶昔投荒萬死輕
寒沙飛藿暮雲平
一尊若箇河梁送
匹馬蕭然嶺徼行
薜荔山魈衝霧氣
珊瑚龍子泣波聲
知君已領煙霞趣
白日空懸烈士名

海上三年飽蕨薇
荔枝花外月痕微
曠曉日趨金殿慘澹邊
霜臥鐵衣
謫去自憐骸骨在
重來肯使壯心違
青冥閑看飛黃鵠
獨有孤雲無是非

幾樹桄榔手自栽
金雞到海逐臣回
神靈呵護崆峒碣
僊客淹留沆瀣杯
竹暗蠻煙山鳥下
花深戍月嶺猿來
東園秘器西陵栢
早見荒原蔓草哀

曾挾風雷排九天
英雄氣盡是枯禪
紫騮亂踏長安月
白鹿閒栖古洞煙
寂寞祇深航海後
逍遙不待掩關年
桃花那隔秦人路
共掃空山片石眠

送殷無美出守夷陵二首

如椽綵筆飲秋虹
南國專城氣自雄
絕峽春雲神女賦
平原大獵楚王風
滿川花柳青猿外
夾岫篔簹綠

雨中十丈布帆千頃雪使君把酒坐凌空

山川祇是借靈文地僻官閒澤國分春踏陽臺花上
下夜焚蘭芷氣氤氳將無歲月淹辭賦一半生涯治
水雲彷彿黃陵聞寶瑟天青露白問湘君

舒崇孝陳鳳父王季孺徐伯衡史長靈諸吉士

携酒見訪賦贈

石渠豪客善談天窮巷聯鑣問草玄莽蕩世情飛鳥
外淋漓酒態落花前杯行露坐搖青漢月出高城散
綠煙人道羣真會句曲好風吹下紫霞篇

送王茂大出僉楚臬

千言草疏挾風霜一日乘槎指漢陽官舍峰霞飛紫
蓋扁舟煙雨下瀟湘絲毫氣吐青虹冷瑤瑟聲和白
芷香知爾平生耽勝事君王爲卜水雲鄉

送趙汝師太史還吳二首

偶來東觀覽人羣歸去南中臥水雲除是山深堪獨
嘯若爲身隱不須文天將黃鵠心俱遠名在青城世
得聞龍笛吹殘蛟蜃舞詩成乞與洞庭君

高閣平臨藜火青焚香幾載坐春星丹霞寒覆華陽

館落日天荒征虜亭三殿豈能留析檻五湖乍可快
揚舲山齋綠樹堪銷夏萬遍陰符大洞經

寄壽朱大司空

北斗南行紫氣俱東山遙領白雲踈玉函太乙真人
錄金簡玄夷使者書六博花間微雨後一尊池上晚
涼初醒酬夜醉丹霞已自引鸞笙駕鹿車

送朱可大水部奉使青齊暫還豫章壽其尊人
大司空公

親探泰岱篋中文遂踏匡廬頂上雲太傅弦歌高館
合贊皇花石曲池分西清肯負鸚鵡夢南浦聊爲鷗
鷺羣舞罷來衣進天酒丹砂遙寄碧霞君

送董伯念予告還吳興四首

廣陌踈花撲柳條馬嘶殘日酒初消城隅宛轉飛塵
亂野樹參差暮色遙水滌天空帆似雪沙明人語月
平橋黯然夜讀江海賦冷露中庭坐斗杓

鳴笳伐鼓送仙郎六野一蕪帶郭長纜上煙霄階建
禮又從雲水罷含香裁化初就辛夷塢薤草旋開紫
葯房調鹿呼猿俱勝事日斜童子采昌陽

作賦揮毫擘若華輸君年少領兼段馬蹄塵外行山
路雁柱聲中卧酒家石壓湖船摧碧浪樓虛水檻抱
丹霞涼風會送紅蕖落歸到橫塘及蓼花
嬾聽朝雞問馬鞭華清煙月想吳天明珠南國邀文
采絲管東山借盛年江上白蘋催畫舫省中嘉樹散
瓊筵孤桐歎息知音去衰颯雙龍寶劍篇

贈蕭以占太史二首

綵筆雲霞莽不停芙蓉削出萬山青裁詩雪滿漁陽
騎把酒風生督亢亭花覆桂僚低廣殿夜寒藜火照

踈櫺一官未是千秋物名落人間儼歲星

紫蓋玄夷玉檢文向來嶽色助氤氲荆王大獵驅寒
雨漢女明妝下彩雲歌罷魚龍波上出香清蘭蕊月
中分屈平宋玉俱零落南紀滔滔已屬君

沈純父符卿蕭以占太史以孚民部龍君善司
理集小齋作

倒倚青天大白浮客來恐是醉鄉侯不愁鳥外斜陽
盡自愛花間暝色留露冷漢宮紈扇夜燭深燕月絳
河秋諸君總把煙霞氣會見雄文著五游

同龍君善飲董伯念齋中時伯念以請告將歸
吳興

六街如水敞高筵萬樹宮鴉入暮天日射斷虹收白
雨星含疎燭散青煙何人自鼓瀟湘瑟有客將歸震
澤船濁酒清歌君不醉露華凄冷月空圓

送董繼可比部以言事左遷萬全幕僚

漢殿初高折檻名羣僚慷慨送君行野風吹樹胡鷹
下邊月臨關代馬鳴夢繞銅龍開禁曙霜高刁斗度
寒聲長歌出塞雄心起落日弓刀雪色明

送許西峪出守衡州

朱陵紫蓋治南天七十二峰生暮煙官舍猿啼多綠
樹山橋馬跡遶紅泉江妃映竹掩秋扇漢女凌波傍
夜船定以雲霞銷簿領使君爲吏是神僊

送關仲珩還南海

送君南去五年城高木神飈天氣清月滿布颿江水
白路盤山店嶺雲平千林丹荔霜前色萬戶青猿雨
後聲歸到故園親友在柴門濁酒飯香秔
黃白仲由白下之燕見過邸中荅贈

白倫集 卷之七
黃金臺冷問昭王醉臥胡姬酒肆傍邊草青青銷馬
骨朔雲漠漠壓魚腸蟲吟風葉秋聲急人語星河夜
色涼領取尊前千古意天空大野立蒼茫

送蕭以孚民部出使江淮

才子三都綵筆孤東方千騎使君殊板橋明月窺紅
樹野櫂涼風下白蕪定以煙霞銷簿領不妨清夢狎
鷗鳧淮南舊是神仙地雞犬雲中信有無

贈顏質卿舍人

宰官身已證菩提暫了塵緣傍馬蹄定去寒松飛野

鶴夢回殘月映朝雞不隨酒士經常曲時共高僧坐
竹西采藥看花諸弟在家臨長薄繞青谿

贈任子賢舍人

看君風骨帶煙霞官舍清如處士家聞道柴桑種五
柳更從少室采三花空香風細鳥平樹踈磬天青月
度沙話到長林成獨往不知身世是京華

送周少魯之南光祿

征夫何事又長干却悟浮生在馬鞍楓葉新霜南國
冷布帆秋水夕陽寬滿衙踈磬連僧舍入夜空香坐

宰官最是雨花臺上月一尊還得照清歡

送張侍御出僉閩臬

籍甚臺端抗疏名馬蹄何事又南行天霜木葉飛相
送驛路寒雲莽未平帆影秋沉姑蔑雨猿聲暮起粵
王城武夷曲曲隨征憶斜日踈煙父老迎

秋夜同余宗漢大令楊公亮太史王季孺吉士

黃白仲山人燕宋忠甫君侯第得寰字

列侯西第敞人寰涼月踈花綺席殷白苧清歌歸扇
篋烏蠻小隊舞刀鐮河低官樹微鐘歇霜冷林鴉火

炬還曲罷酒醒齋閣閉蕭蕭落葉似空山

九日余宗漢明府宋忠甫君侯李叔玄民部王

受吾秘書李孺吉士秦君陽文學金玄朗黃

白仲詹政叔三山人朱汝修楊士駿二保御

集余宜叟館分元字

金貂阜帽共萸尊海內賢豪此會存客有清狂如鼓
吏坐當蕭散是丘樊暮砧慙斷沉河影秋燭光寒上
月痕奏罷雕籠天莽蒼更從茅氏問丹元

都下送茹懋集還毘陵

白梅集 卷之七
乘風快讀五噫文南去山川屬隱君彩筆仍看搗海
色布衣終不染宮雲孤帆木葉青天遠水國芙蓉白
露分到日丹陽陵口路寒沙吾已夢鷗羣

登檀州城

大將開山巨石奔北平天險控關門白雲王氣諸陵
合黑水軍聲萬竈屯徼外風腥胡騎過城頭日落戍
樓昏射雕牧馬英雄去邊草青青古血痕

贈別于民部二首

使君福地近華陽松桂陰森鶴影長家養玉童教練

藥官連粉署乍合香冥心竹杖經山路清夢蒹葭覆
石房黃帽青鞋吾自老他年向汝乞僊方

沙青水白布帆平寥廓知君羨此行邊雪孤城淹秣
馬江花兩岸送啼鶯罷官正合稱居士玩世寧容學
步兵欲就大茅峰頂月碧桃千樹坐吹笙

留別李叔玄計部

蓬萊歸路指西陵天際孤帆細浪層草綠鏡湖春放
權花深雪竇暮尋僧黃塵驅馬真無賴白日驂鸞媿
未能何處瑤華憶公子高霞半壁掩垂藤

白榆集 卷之七
登古北城懷顧益卿使君

山川險隘割平荒把酒登城暮色蒼石虎騰驤開絕壁玉虹夭矯駕飛梁馬鳴青草逢關吏箭落黃雲滿獵場聞道使君親出塞天寒胡血染魚腸

集孫漢陽郊居

幽意平生丘壑多偶然立馬碧山阿風簾裊裊侵踈竹雪洞深深映綠蘿借取玉壺澆磊塊更煩銀燭照婆娑嬌歌豔舞真堪住其奈雞鳴月落何

白榆集卷之七終

白榆集卷之八

東海屠隆緯真著

五言絕句

寄開之金山寺四首

不與世路通那得世人見月出隱高峰潮來捲

大殿

水氣結明霞星光暎浦沙山僧無一事洗鉢挂

藤花

故人幽棲處天風吹海樹欲往無津梁目送高

鴻去

踈竹淨娟娟鐘聲遞冷煙從何得悟入江水寺

前門

送林仙客還四明

送子凌空去白雲滄海頭遙憐故鄉月夜夜照鷗沙

江北謠十八首

綠瓦鴛鴦殿紅綃翡翠裙金幢明畫燭高坐碧霞君

金車聯玉驄遊戲宛與洛君家採薜蘿邛家採芍藥

女郎騎駿馬帕首抹烏雲一道流星去西風吹繡裙

大廟垂楊下雜坐聽笙篔篹馬鳴人影亂內官來打毬

客從臨洮來長刀角弓綠日暮上酒樓搥笙啖羊肉

陌上羅酒漿東郊拜墓罷脫下黃衫子紅裙樹間挂

千錢與唱歌百錢與賣酒本是青州人家住黃河口

日馱三百觔峻坂高城下傷哉冰雪中汗血桃花馬

西北誰家子佩服麗且都纏綿復婉孌江南今不如

馬上逢鄉里無奈馬蹄疾寒暄欲一言風沙忽失相

黃葉滿寺門山僧坐樹根風烈池水斷沙高晚昏日

作客十年歸徘徊認故妻閨中小兒女驚見阿爺啼

寒雲落葉間鐵馬響空山云是豪家子高原出獵還

野館宿枯茅天寒夜凄切風來竈下煙月照牀頭雪

黑風捲地沙鳴鏑疾如雨兩月各西東相視不敢語

官人及大賈凌亂踏斜陽借問萬里客誰齊五嶺糧

問妾何所有金翠珊瑚樹買時郎捨錢不買郎去應
五馬千金裘映戶遮垂柳哀哀道傍兒單衣不耐掩

江南謠十九首

桂浦蕩蘭舟紅妝歌綠水歌聲風吹斷搖入蘆花裏

繫船秦淮口走馬長干中留君君不住多謝石風尤

儂本江南人記得江南曲野隴飛斑鳩春田放犢黃

置酒彈阮咸潮平月欲落低頭何所思無心顧絃

採蓮復採蓮蓮花輪妾妍湖頭明月上翠被擁煙

五月楊梅熟繡閣黃金縷鱒魚不足啖復啖西乳施

大盤擎翡翠小盤擎珊瑚少婦推簾看嗔無明珠

日落晚天碧潮來江水渾漁燈楓葉下不覺到柴

雖有千萬頃水旱兩不識儂家不種田歲歲收租

十千買一爐百萬買一畫妖童與豔姬大艚閭下

菱花間藕花綠水平如掌堤邊油碧車湖上青蓮

風雨折茅屋蝗蟲食稻苗儂饑儂不恨何以辦租

柳暗烏衣巷花明紅板橋通波子蕩槳乘月鬪吹

石屋雙流映桃花夾岸春前谿飾伴冠者或恐是秦

村村帶流水迳屋是蒹葭對門開雞犬舟楫過隣

江南饒水竹臺榭碧嶙峋昨日芒歌罷明朝換

主人

朝從紫陌遊暮向青樓歸家中無斗粟身上着

羅衣

朝發菴畫谿暮宿鴛鴦湖鴛鴦忽飛去天水澄

菰蒲

儂擡竹堦子誰得似儂家放下竹堦子西湖弄

荷花

題水月主人

有月江水白無月江水黑水落月亦沉但見青天色

題無礙居士

雲來太空陰雲去太空朗太空本無心不厭雲來往

六言絕句

和辰玉悼亾之作六首

碧梧葉上輕霜紅藕花間細浪從來烏兔東西只有

青天無恙

兩行燭盡花暝一曲歌殘十斜不信空中明月請看

洞口流霞

夜來夢得明珠一笑泠然夢也了知夢境非真誰道

人生亦假

偶然步出谿頭照見千山朗暎早時悟得清谿何故

磨銅作鏡

白梅集
卷之八
四
開處蟲吟白露閑時鳥踏青苔人自不嗔花落君休
認取花開
有識總歸煩惱無情卽是波羅千秋萬歲帝女一年
一度天河

省悟十首

門外馬頭塵起山間竹裏泉鳴一語向若說破此是
大地火坑
瓦解須教作土土合復還成瓦四大百年偶聚愚夫
却認是我

淡中得趣彌真濃處回頭味短飽時卽厭烹鮮樂極
翻嫌絲管

偶上前朝古墓黃泥白骨英雄爲是兒童弄影不知
影弄兒童

新聞喪我良友不哀仰視秋雲浮雲聚散常事不聞
人哭浮雲

萬事從人迷悟狐狸粉黛歲蕤迷者認爲粉黛悟者
知是狐狸

逍遙聊借造物登覽何用亭臺地僻松風適至日落

山月又來

世事海漚起滅人身石火須臾借問誰爲真我元始
當空寶珠

秉燭隣家借火乘筏渡口呼船寶鏡都來自照金針
只在身邊

厭境未免生境簡緣亦是多緣風靈霹靂半餉依然
一片青天

七言絕句

戲贈沈生買吳姬二首

吳姬年十四甚
麗而善吳歌

十四吳姬白玉姿芙蓉新月照蛾眉花前調笑何曾
慣只抱瓊瓏鳳管吹

文君自願嫁相如宛宛垂楊日到初海月湖煙天似
水船頭一曲聽神魚

胥門

年年春雨洗紅蘭啼老宮鶯粉黛殘芳草似牽當日
恨一江煙水觸離寒

館娃宮

紅妝直是妬明霞日照高樓扇影斜依舊淥湖開曉

鏡寶釵無柰沒春沙

小君山

停舟夜望小君山
兩岫芙蓉水接天
可惜月明無寶瑟
淡煙一帶是湘川

華陽洞

松盤古色絳桃春
丹竈青童劈翠麟
月滿瓊臺天樂細
茅家昨夜燕南真

禦兒港

佳人湖上採菱歸
風亂雲鬟水濕衣
猶自含嬌弄雙

槳鴛鴦衝起鏡中飛

恭送曇陽大師十九首

列坐扶桑大帝前
六銖五色照瑤田
直凌海峽行空去
颯颯天風散紫煙

西池南嶽坐相邀
髣髴煙中白玉橋
手炙鸞笙踏雲語
靈音一半入瓊簫

大洞真經宿世因
僊官千騎候靈人
何時陽滌山中見
親許桃花隔十春

勾漏丹砂何日逢
碧天秋水澹芙蓉
玄言大道千秋

秘揮手人間騎白龍

王母行宮列宿分九微燈豔紫元君玉樓金闕非人
世空水茫茫載白雲

擊罷昆庭寶瑟齊白光兩道出天西如來親見舒金
臂池上蓮花不染泥

朝看靈雨淨飛埃更取瓊漿瀉玉杯瓔珞玲瓏開寶
扇紅雲影裏列真來

萬劫千生總芻荒牟尼何幸照迷方同來士女皈蓮
座添得新香禮法王

下方銀海月華生上界瓊臺照夜明水濺巖花修竹
冷蒼煙堆裏落碁聲

花覆雲房星映沙碧桃青礪泛胡麻閒呼仙姊騎雙
鵠同向蜂頭眺落霞

家鄉原在妙高峰青桂紅蘭宛舊容童子笑迎猿鶴
舞洞門親啓白雲封

異香縹緲護金鐙手捧琅函說大乘欲攬慈雲天際
遠獸懸秋月照壺冰

青天迢遞鶴書輕翠蓋瑤輿引七星花下玉鞭那可

得清齋夜夜誦黃庭

行行口自說神鸞兼授華陽九轉丹
初利宮中知不

住一龕燈火薜蘿寒

總持三教是吾師來去翛然任所之
明白向人人不

識茫茫苦海渡何時

亦知欲界遠西方一飲醍醐是醉鄉
豈謂便攀龍馭

去且教心地得清涼

初駕嚴裝羽隊分勅書先下玉晨君
明知不比人間

別亦自含悵望碧雲

西天西去指恒沙東海東頭棗似
斜日乍明秋潦

盡萬人相送躡層霞

一自瑤篇降玉除日人
體在泥涂臺花解結菩提

果寶月堪爲舍利珠

寄傅伯俊二首

當時同聽未央鐘今日相思煙樹重
只隔盈盈衣帶

水雲明沙白見青峰

使君佳政掩三吳文藻江山絕代無
日照空沙呼雁

鷺雨深春草憶薜蘿

寄江陰胡明府

江陰有君山

君乘月鼓雲和山比黃陵青黛多
淥水芳洲嬌杜白雲秋色醉湘娥

寄題程氏百花亭

紅雲澹蕩赤欄前旭日微風三月天
欲挈一尊花下醉醉來卽掃落花眠

湖上曲十首

芡實蓮房生浪花鴛鴦鷓鴣臥空沙
拏舟唱入水雲去日沒數峰江月斜

漠漠谿茗濕露光重重水殿暎初陽
何當身在空明裏細帶無風桐葉涼

吳越名山冠九州水光空浸白雲秋
滄洲小吏何言傲日日低頭拜督郵

使君滿面是煙霞何事車中度歲華
月照蓑衣風拂釣夜來清夢到漁家

自誇墨綬不離身無那青山解笑人
舊日五湖煙雨客如今雙膝在風塵

莫笑青谿老使君蟲絲蝸角暗龍文
只言馬首銷紅

日不道牀頭有白雲
湖邊曾記踏花行
謾謾風篁十里聲
綠水青蓮人載酒
絳樓紅板伎吹笙
妾住橫塘水掩扉
誤隨公子玉驄歸
採蓮蕩漿五口曾
慣那解當筵着舞衣
夜泊湖頭自唱歌
蘆花月白水禽多
芙蓉獨抱清霜老
一片寒香捏素波
歲歲驚心雪浪前
蘭舟賣却買湖田
儂耕婦饁更何事
鐵笛一聲穿隴煙

題孟孺畫扇

斷雨疎煙紫翠開
千巖萬壑水滌洄
山翁睡起垂楊下
門外何人載酒來

喜王敬美督學棄官歸隱六首

歲歲煙霞夢裏還
挂冠今日是青山
西來不踏咸陽雪
一輛芒鞋夜度關

金閭秋色挂斜暝
函谷雞聲馬上行
借問歸來何所事
萬峰明月五湖雲

鍾斷寒山大吠村
竹邊猶恠水聲喧
青谿白石卿家

物從此紅塵不到門

一遇真人跨紫鸞便從

天子乞黃冠桂花落盡無

人見只有山風吹石壇

君家伯仲總仙郎零亂芙蓉五色裳聞道大兄補桐
相他年小弟治華陽

匡廬曾得寄幽蹤又復驅車太華峰萬事蒼茫今不
問夢回殘月在高松

董節母

其夫墮海歿

機上流黃罷綺羅月明清露下庭柯桃花津口魚龍

恨一曲箏篴公渡河

題松庵上人卷

水浸雲房鳥下池煙蘿暝色坐來遲虎谿何處尋踪
跡月在深松人不知

送長吉諸孫東還二首

客館鶯啼白日斜相逢相送總天涯因君更憶西湖
好一片歸心寄落花

年來何日不思鄉却送君歸欲斷腸聞道小園剛半
畝不愁無地種垂楊

寄姜仲文四首

仙郎豈是石麒麟
綵筆千秋定有神
空說太湖三萬頃
何由一借採芝人

才名束髮早傾都
得似延津寶氣無
夢去雙雙青菌
蒼投來一一紫珊瑚

花滿平林風日溫
天涯脉脉暗銷魂
偶因芳草思南國
不爲星河賦北門

遙想文成五鳳樓
宮雲長滿殿西頭
春江幸有雙魚在
一夜桃花水亂流

史相國墓下作四首

長吉來言沈肩吾過史相墳弔古題詩有狐狸穿塚

出平田之句余甚賞之
遂爲嗣響因得四章

霜落蒼藤老樹枯
眼看巨石壓重湖
墓前只有山僧住
黃葉青燈照野狐

鑿石開山丞相墳
大池秋草易斜曛
天青鬼火空沙黑
山鼠驚人入亂雲

田夫自說史王孫
滿徑蓬蒿秋掩門
世上人磨銅雀瓦
玉釵一半古苔痕

朱門早啓亂鳴鑣
留得寒江弔暮潮
一片黃沙銷白日

骨碑陰彷彿記前朝

贈道者王佘峰先生

碧眼方瞳炯日光知君名字入華陽自從子晉吹笙
後千古仙人好姓王

寄李之文

珊瑚寶馬映江干白晳郎君夾道看莫把金丸容易
擲花邊白日已將闌

潘載父下第謁李臨淮歸詩以慰之

落日黃金塵滿臺侯門謁罷賦歸來江淮漂母今誰

是零落王孫不用哀

聞瞿孟堅擢桂楚中喜賦四首

瞿孟堅諱甲幼有奇才年十三從其父睿夫
走闕下作萬言書歷抵公卿間為其父訟
冤短衣楚楚面有塵垢余時亦在闕下聞
而訪其父子邸中握手勞苦歎若平生諸人
聞之爭相延款名一日而遂傾都城臨分凄
斷殊不勝情別後以長牋見詒磊塊欷歔悲
壯欲絕讀者憮然咸歎英物未幾以才大譟
楚中歲壬午遂薦鄉書第十人賦以識喜

短衣顛顛上書年此日名垂霄漢邊雲夢胸中吞八

九大鵬海外擊三千

少年綵筆掃秋雲桂殿陰森露氣分南國明珠龍女

色蘭舟高壓洞庭君

親寃未雪氣難平滿面風沙哭帝城落落肝腸生秀
句黃童江夏不如卿

千山雲盡碧天虛一日雙眉爲爾舒取醉好沽燕市
酒相思難寄楚江魚

唁鄒進士二首

泥書纔寄白頭親又向黃沙作逐臣身未拜官先上
疏如君真是報恩人

臨風一讀淚千行底是封書太慨懷海草茫茫邊月
白不知何地賜投荒

留別袁履善四首

一尊濁酒送行人疊鼓聲寒霜氣新道在太丘終自
廣家如范令不爲貧

足無雙舄亦堪仙馬首駸駸入暮煙輸與袁閔居士
室禽魚日日在門前

五嶽今遊第幾峰棄瓢真有上皇風乘空願借先生
杖踏破郊原冰雪中

當時譚稭總如雲今日河梁獨有君湖色疑從窗裏

出雁聲愁向客中聞

留別辰王道兄四首

月照金爐香不寒
流鈴宵響碧雲端
惟來宛轉難爲
別明日黃沙在馬鞍

列直曾此步珊珊
公子吹笙冰雪顏
水綠雲青天上
在相逢不忍去人間

何緣得與佛齊肩
日日焚香齋閣前
金井醞醕銀絡
索蒼茫回首但風煙

夜宿麥陽紫氣濃
經聲裊裊和霜鐘
他年再訪煙霞

侶只恐桃花鮮誤儂

留別徐孟孺道兄二首

一咏河梁雙淚枯
傷心最是月痕孤
向來高館嬌銀
燭後夜寒塘照綠蒲

萬頃湖光九片山
相逢多在水雲間
雁臣一去茶煙
冷獨擢空明寂寞還

留別陸伯生二首

如雲相送木蘭風
星漢青青燭影紅
何處銷魂何處
笛月高霜落水煙空

輸君湖上領煙霞馬首荒荒一片沙且醉宜城三百
石放舟移去泊蘆花

留別彭欽之二首

臨分惜別重淒淒累夕留連到曙雞潮來酒盡人應
去翻恨無情綠雨谿

出門便隔萬重山人自傷心水自潺誰遣妖童歌寶
扇聽來曲曲是陽關

留別周季華二首

鼙鼓嚴城錦纜開雲山合脊水滌迴儘將席上笙歌

涕莫使沙邊鳧雁哀

輕舟遠送故人心三弄桓伊江月沉最是昨宵竟易
斷亂山黃葉寺門深

留別曹重甫二首

共憐吾邑有曹丘歲晏其如走馬遊江上無人管離
別女郎閑唱百花洲

萬人相送水西灣獨爾臨河更出關不用長途悲雨
雪栽花好待使君還

留別諸宜甫兄弟二首

佳人竝着木蘭舟夜夜驪歌唱不休縱有當筵紅燭
暖奈他霜葉入篋篋

送客山山出白雲
薜蘿亦解留行人
遙知紫禁花千樹
不及青谿月一輪

留別沈孟嘉二首

油車嫋嫋駕青騾
惜別其如良夜何
拚取尊前沉醉去
不知寒月渡黃河

平生怕別爲情深
莫便逢人說破琴
野店荒雞空磧馬
高天無語去駸駸

留別郁孟野二首

自向長途問馬鞍
淋漓雙淚不曾乾
而今相送水猶咽
夜夜相思月更寒

故人多難正櫻遲
風急山空鵲墮枝
月照大河冰乍合
知君應念使君時

百穀以七言絕句十首送行
驚心動魄秀色可餐
余復荅以四絕可謂淫於詩矣

石尤風勁浪花生
知是征夫未肯行
一別馬蹄寒欲裂
黃河水合暮雲平

如蹶一日看千峰濁酒淋漓露氣濃惟有寸心銷不
得相期各佩紫美容

漠漠寒煙散舳舻山空樹老帶啼鳥蘆花兩岫千人
送不及王郎挈一壺

惜別無爲雙淚流風霜但保木綿裘沙明水國花開
日朝罷還來坐白鷗

金陵道中八首

余平生足跡不到金陵此行以
計吏從浦口渡江不敢入城覽

眺風景作

詩紀行

日出天高野色空秣陵宮殿白煙中寒山不帶齊梁

恨水竹青青霜葉紅

朱城碧瓦射朝暉遠近千家瞰水村御路荒涼龍輦
去古苔銀鑰繡宮門

龍盤山勢入青天六代豪華逝水前香散蝦蟇墓陵下
路行人車馬踏平田

古垣蒼鼠逐麀麀風葉霜藤墜晚鴉野寺無門僧不
住一池淺水浸蘆花

秣陵城外欲銷魂石壓沙崩沒水痕野老夜分隣火
去隔牆黃犬臥松根

大江曲曲抱金陵浪捲空沙十丈水樓上絃歌喧估
客渡頭燈火亂漁罾

白頭江上擢船郎風起潮來弄夕陽不作城中香粉
夢一簑殘月滿天霜

馬首蕭蕭看石城一生空賦白門行也知紅板橋頭
月不似黃茅店裏清

山居雜興四十首

傍山結屋借煙霞松裏藤蘿映月華曉起不知風露
冷提壺汲水自澆花

手搖青磬禮空王銀燭金爐蕪異香煮茗小噴童子
慢開門爲掃落花忙

家住翠微雲霧堆野花山藥不須栽自開碧沼通幽
澗鷓鴣鴛鴦日日來

夢入紅泉翠壁西新翻玉洞步虛詞鳳頭鵝管奏羸
和金母欣然一解頤

回風薜荔日初斜驀地香來透碧紗忽漫掩書童子
笑不知山下有荷花

夜宿谿南古佛堂老僧差面說休糧歸來經亂風開

戶落葉飛花滿石牀

梅花雪花相映寒亂峰驢背夕陽殘因之憶却年前
事漠漠黃沙撲馬鞍

大石離竒壓樹根千峰嵐氣鬱朝暎偶然厨下見蒼
虎笑和白雲驅出門

黃縑白哈紫陽巾蕭散閑尋十里春杖策沿谿雖花
去行人却認是秦人

殘碑斷石自斜曛碧瓦朱宮蒼蘚紋落葉蕭蕭狐兔
出牛羊不識史王墳

鳴鳩襍雨如煙白鷺斜飛水滿田牧吹牛藏花塢
外酒香只在野橋邊

煙霞道友最清虛短髮鬢鬆久不梳猶恠山人苦冬
事一龕燈火半牀書

經年少客到林丘種竹移花事事幽月動鳥驚林葉
響無人却是過獼猴

累日清齋坐碧苔牀頭閑却紫霞杯麻姑送到蒲萄
釀犬吠花開客又來

騎驢偶入郭西門故友欣然開一尊爲問別來何所

事笑視青天無一言

嬾讀牀頭瘞鶴銘近來兼廢種魚經身中故有延年
藥不向深山採茯苓

較量寒暖問簾鈎未必忘機似野鷗抱膝雖然長閉
戶送僧曾過碧山頭

屋角桃花生紫煙茅齋無事日高眠家童不敢呼山
客喚取啼鸞近枕邊

靈巖曲曲帶神臯洞嵌青谿白石
澹天清波不
動樓前萬竹壓漁舸

白雲頂上踏青螺松桂無花月色多但恠山人衣袂
濕不知身已在銀河

鳴弦匡坐竹林西鹿子呦呦謝豹啼世事年來都忘
却也曾騎馬聽朝雞

清谿水不碧粼粼琪樹瓊枝別有春誰在花間最深
處但聞琴響不逢人

棄却癭瓢爲厭煩十居真喜得山樊已無夾道車塵
擾猶有當堦瀑水喧

蒼山疊疊水淙淙落日寒煙失數峰最愛人家谿上

住秋來透屋種芙蓉

行盡煙廊入翠瓔沙明水碧是瑤京自將雞犬乘雲
去猶墮空中打麥聲

好山當面月來時分得疎花到曲池一陣山風涼颯
颯石壇松子落殘碁

山鳥飛來茅屋低藤梢垂過石闌西三日掩齊眉大
洞不知紅藥已成泥

閉關禁足薜蘿陰御氣還調出世心肘上不妨生柳
樹門前風雪鹿蹄深

紫霧紅雲忽滿空金幢玉杵挾飛龍無人出肅空向
去笑指青天月一峰

琳宮翠巘宿氤氲鶴喚天空只自聞昨夜石樓牕不
閉曉來飛入滿牀雲

灌園鋤菜絲堪娛笑殺雲霞性氣疎誰領黃麻新拜
相幽居久絕故人書

雨過紅蘭徑草深惜花不是道人心饒他一夜風吹
却好放黃鸝住綠陰

夏天清曉坐虛簷殘月如鈎尚在簾已許關心無一

事夜來山鼠齧華嚴

不是狂夫愛入林世緣較淺道緣深已將明月爲高
獨更取山泉寫素琴

香入空山六代竟生時華屋成荒村黃沙不管英雄
骨潮去潮來洗墓門

三春且治栽花園十畝先收種秫田都水若無天帝
詔看花酌酒度流年

磬聲自發滿斜陽隱隱隔谿開竹房三十年前曾一
到見栽松樹已成行

隋家水殿焚章華絃管淒淒入斷霞秦鏡一沉公市
人至今惟說邵平瓜

山露泠泠滴鐘磬水霞冉冉上衣裾野人偶出猿猴
爨仙客何來鶴寄書

英言風骨類仙人滿屋煙霞未是貧愛飲青谿啖山
果向來麋鹿是前身

憶君典十四首

共約功成歸種田數間茅屋隔蒼煙桃花雞犬渾無
恙只是斯人去杳然

五湖蘭棹六橋花紅燭青娥散曙霞流水浮雲何足
恨但傷寶劍葬寒沙

自君去矣掩刀鏢電滅花飛竟不還猿鶴無聲松桂
冷愁雲漠漠敬亭山

不見麒麟行白日止留狐兔弔青原玉樓金闕都無
據萬事低頭不敢言

平生少友真堪媿不得悲歌送夜臺七尺豐碑萬言
字碧苔蒼蘚後人哀

英雄歸去是星辰白骨留爲山鬼隣世上休疑黃石
事昭清原不用斯人

昨夜妖光起白虹沉沉匣裏歎笑容可憐不見橫秋
日土蝕煙銷入亂峰

一日青驪擁絳紗陵陽三載卧煙霞如何石上冬青
樹只當春風蒼葛花

古廟空山易夕陽酸風苦霧送文昌墨花零落猶香
案莫去遮須作國王

北海中郎恨有餘虎賁言笑足躊躇鮫人夜泣蒼龍
去有子今爲明月珠

客散金銷罷綺筵
賈人來索郭西田
向來烈士寧逃
必不是功成韓令
年

蛾眉散遣鏡無光
明月還來照曲房
腸斷香山老居
士白楊紅粉兩堪傷

看君西笑欲飛翻
寶馬銀鞍尚在門
忽化寒灰三尺
鐵高天無處着啼痕

平生俠骨苦難磨
膏火蘭香奈爾何
今日喜君離幻
相好參蓮座學維摩

竹枝詞三十首

余發青谿途中作詩不下百餘
首一夕喟然自悔其苦臨書罷

焚管城子誓不復作詩明日上馬適情事有感忽得口號一首查不知從何來沉吟自賞連得數篇因而蒐采江南民間風俗次第成下里之謠三十首既成乃題之曰竹枝詞因復恍焉自笑魔之媯人如此顧情事鄙瑣音調俚下不堪奏諸士大夫自比于山謳樵唱不忍棄去姑留他日令家童習之以侑酒余之于此技斷除會應有日今似未能也

斑竹欄干兩邊開
枇杷樹下勸郎杯
歡莫留儂儂要
去蘆花潭裏趁潮來

木槿編笆土築牆
田家住在水中央
四月穿綿六月
冷門前夜夜稻花香

東海漁翁大板船
撈魚換酒浪頭眠
親見龍王第七

女珍珠衫子繡裙邊

水仙愛種水仙花一灣江水廟門斜
女冠夜送小姑出四野無人好月華

夜醉江頭彈阮咸江船十日住風帆
歡莫留他葱白襖待儂脫下杏黃衫

誰家女兒來浣紗紅裙蘸水髻飛鴉
郎賣鯉魚荷葉蓋鯉魚不買買荷花

人生只當渡頭雲犬吠鴉啼日又曛
月下枇杷花下酒不澆儂口侍澆墳

踏遍東城南陌頭子規叫罷叫斑鳩
紗帽不如布帽好也無歡喜也無愁

蓬子花開湖水紅東風日暮轉西風
妾心一似蓮子苦郎心一似藕絲空

吳歌不唱唱陽關爲郎韉馬復裝鞍
今日金尊各自煖明朝繡被大家寒

女郎三五寺門前蘭舟暫泊綠楊煙
拜罷如來整珠翠踏花羅襪暮霞鮮

昨日花開君不賞今日花開雪滿頭
世上紅顏若長

在除非東海也西流

但願相隨賣餅郎不願裒粉事君王君王爲王郎賣
餅布裙還是舊時裝

玉雪青童二八年紫駝白馬稱銀鞵白馬紫駝儂不
愛儂家苦菜熟油煎

紫衣貴人造大墳無奈狐狸穿樹根狐狸不識貴人
面在時多少候開門

一葉扁舟海中央普陀寺裏去燒香平地翻舟風浪
穩人心賽過蓮花洋

鷓子高高飛貼天蜻蜒只在蓼花邊掙得黃金過北
斗閻家老子不愛錢

大官買園買四鄰栽花種竹幾多春聞道遠西又河
北至今不見買園人

提籃採桑後園西女郎相留鬪草嬉日暮蠶饑婆性
急閑情莫遣小姑知

猿猴送果竹引泉山雲不足借廚煙千里風沙五更
露三公不換日高眠

樂莫笑來愁莫顰爲人莫作小妻身顰時生怕郎若

惟笑時又怕大娘嗔

阿母出門花朵齊阿奴出門兩行啼不恨爺娘及阿
母阿奴只恨命來低

夜裏耘田日裏耕綠楊樹下聽黃鶯小人種田睡得
穩相公做官遶牀行

江上撐船也不村撐船撐到長兒孫高挂風帆搖膝
坐一邊水綠一邊渾

脫却宮衣卸却情焚香拜佛去修行蛾眉有恩兼有
怨恩恩怨怨幾時平

富家女兒纓金衫貧家女兒竹頭篸且不看楊花同落
地半隨塵土半珠簾

一點紅兼油木梳彈箏勸酒醉模胡若有黃金填苦
海不如相送在西湖

織絹娘今織絹娘織成那得做衣裳昨日一縑送里
正今朝一疋當官糧

北斗天河夜夜移富貴榮華得幾時那見宋朝丞相
府如今改作藕花池

水陸珍羞百味兼開筵請客客猶嫌多少衆生供一

筋是誰痛苦是誰甜

集紫霞山房得山字

五雲宮闕抱西山明月疎鐘萬竹間誰唱陽關送雙

淚寒河無語夜闌刪

長條曲為友人賦二首

流水飛霞舊日恩梨花寒月閉重門清明陌上香車

路認得蕭郎不敢言

手碎琵琶斷玉簫青青誰竟折長條背啼紅袖逢人

笑歲歲春風恨不銷

女蘿曲

女子有欲從人而勢有所扞者誓志守死艱苦萬狀竟得諧所願友人為余言之

其事而賦之一章

百折東流誓不回女蘿宛轉恨難開生憐卓氏琴中

意死作韓郎墓上灰

燈前含笑伴流蘇萬歎紅顏骨可枯沙上浣衣厨下

爨為郎辛苦事諸姑

都下逢吳叔嘉

桂醕蘭膏每夜分脩然自號紫霞君馬蹄不入平津

閣只借閑房理白雲

煙雨樓六首

百尺蒼茫煙雨樓
青天蕩槩狎羣鷗
千家樹色斜陽外
萬片紅霞月一鉤

高樓突兀水雲間
日暮女郎堤上還
細浪輕帆沙漠外
斜煙疎雨珮珊珊

玉筵金尊載酒船
綠波新月伎釵前
晚迴津口人皆醉
無數鷗鳧浪裏眠

誰家白版映寒塘
修竹娟娟過女牆
妾本南湖湖上住
凌波自愛繡鴛鴦

郭外青波指亂峰
山光淡蕩水煙空
天寒澤國魚龍臥
鐵篴何人響夜風

四月湖頭水氣涼
漁舟歸去傍垂楊
僧來野寺村村白
鳥戲青蓮葉葉香

石湖五首

萬頃湖光開浩蕩
千尋峰色引玲瓏
石橋野寺無僧住
隱隱隔谿聞暮鐘

林屋空虛敞洞天
崖前古樹不知年
鳥啼寂寂辛夷塢
花裡行人恐是仙

前朝大寺剝寒苔文字蒼茫斷碣哀古木春深猶墜
葉亂煙堆裏拜如來

天外雙帆出大湖中流一點插浮屠鳥飛不斷虛空
碧歌傍斜陽送百壺

聞道王維住輞川當門閑掃落花珉千秋人去留三
徑落日狐狸走墓田

吳江夜泊六首

有客乘船吹洞簫月波千頃浸平橋菱花不見菱歌
滿澹澹星河夜色遙

城郭微茫帶遠村扁舟孤客坐黃昏登艫一陣香風
過疑有凌波洛水魂

弦管嚶嚶十萬家水搖星影散明霞魚龍不妬狂歌
客曙色孤城斗柄斜

寶帶垂虹臥綠波平堤如掌印青莎小姑白石前谿
曲按節鳴絃水調多

魚蝦濁酒市盤餐不啻舟人報夜闌醉後推篷明月
上水痕涼冷燭花殘

從來傲吏狎滄洲賓從如雲清夜遊城上烏啼天欲

曙月華斜抱水邊樓

真如寺四首

招提信宿十年前香飯清齋不取錢佛首藤蘿僧舍
雨重來歲月總茫然

空門寥落可幽棲玉帶端明敢浪題一片蒲團空法
界蓮臺西去不沾泥

年來短髮已鬅鬢雲水生涯漸似僧掃石焚香松樹
下破衣浙瀝挂踈藤

流水潺湲到寺門香殘經罷擁籬根不閑歲月區中

事且作煙霞物外言

薊遼大捷鏡歌八首

為張肖甫
大司馬賦

獵獵紅旗捲陣門短兵夜合塞垣昏胡天向曉燕支
哭疲馬殘弓見血痕

大捷歸來列校收蒲萄銀甕坐筵篋酒酣夜出巡邊
壘壯士閒眠枕髑髏

北斗寒光注湛盧登樓談笑滅胡雛天高野曠妖燐
語雪滿陰山凍草枯

邊聲四起鼓填填捲地西風吹控弦戰苦不知胡騎

盡旗開刀響月如煙

十隊并刀舞漢兒千行絲組繫胡姬降王面縛轅門
外帳下椎牛饗六師

遼海霜弓寒鴈急交河冰折暮沙虛神駟一道如飛
電夜半軍中獻捷書

黑山西去虜營空名姓遙驚郭令公點罷軍書諸將
出裁詩清嘯月明中

督府親征雨雪漣馬頭橫吹雜銅焦獻俘奏捷天王
喜口勅中官賜錦貂

明月梅花詩四首

東風吹粉褪微紅水曲娟娟照欲空最是銷魂闌楯
外玉人香霧夜朦朧

高樓玉笛氣氤氳襄國櫻桃落後塵六尺珊瑚籠絳
蠟隔簾疑見李夫人

生來多恐是花妖夢入羅浮凍不銷彷彿瀟湘龍女
出碧天如水濯冰綃

含姿顰笑總嫣然雪盡平林散綠煙乍淡乍濃看不
定祇應癡絕傍君前

古北口歌十首呈張制府

足馬春風古北平
日光慘澹抱沙明
千羣狐兔單干
帳萬騎熊羆上將營

大峪砮崖響暗泉
荒荒古壘暮生煙
阜鷗忽破胡天
碧一一羣峰墮馬前

三月沙場雪未消
垂楊猶自舞寒條
角聲吹斷關山
夢一夜征夫鬢欲凋

錦帳朱旗大漠孤
虎牙龍額氣吞胡
高原馬去如流
雷塵起天昏鳥雀呼

雄關虎豹據咽喉
疊鼓鳴笳滿戍樓
將士雕弓閒射
獵只今幕府有條侯

宛轉河流通地脉
參差城闕倚山形
填橋直似橫三
島鑿石何年役五千

飛閣連雲石壁開
蒼茫劔指大旗迴
漢兒打鼓胡兒
舞夜醉營門琥珀杯

材官騎吹列成行
落日登城覽戰場
城下胡雛自來
往平岡水草放牛羊

塞王女兒髮覆肩
提刀上馬擘青天
獻盡軍中百戲

罷採花按板唱于闐

邊人卸甲事春農黃犢水田處處逢諸將當筵接詞
客滿城火炬照歌鐘

詞

西湖懷古四首

萬疊青山千層綠水蘭舟蕩入涼雲鶴墮無聲鷗飛
不斷歌吹隔花聞我欲喚起琴高邀來邢鳳借僊人
玉笛傍蒼龍叫破氤氳行到湖天空濶處畫大江吳
越此中分酒滿瑤觴賓朋不減看來只少湘裙但醉

時微唸散髮高揖洞庭君

右調綠水曲

一片大湖何限浸空城碧浪崔嵬白日孤懸畫屏四
合翠微裏擁出樓臺落盡桐花飄殘柳絮正芙蓉并
冉將開衣上冷香飛欲濕輕鷗細帶蘭漿共滌洞天
放閑人時容傲吏水雲深處相對且啣杯君莫對此
景浪生憂喜請看層波疊疊前後相催錢氏舞裙趙
家歌扇零落總成灰君去也西湖無恙歌舞又重來

右調水慢聲

淼淼重湖背郭斜永日坐蒹葭四面山青不斷樓閣

外亂水明霞有畫船錦纜載詞客金翹雜珮強半挾
吳娃水窮處長林古寺夏木綠陰遮回首望空明白
鷗隱隱飛來帶一片輕沙把酒問西湖今來古往都
不管興亡舊恨年華且與君權扁舟聽取哀弦急筑
散髮弄荷花

右調青
江裂石

萬疊雲峰個個芙蓉金掌真堪賞陌上花鈿水邊蘭
桹一派笙歌鬪魚龍空澗處衆山皆響遊女凌波羅
襪冷菱葉暗浪花明不霎時雪卷青天蓬闥與諸公
把酒醉波臣夫風下來一笑冷然蕭爽明日西陵東

去也回首六橋使人惆悵

右調水
仙詞